



830986

太昊陵

盤古鑿混沌鴻濛奠四維大撓作甲子陰陽奧窔規黃
 帝定六書荒邈實難推開天始一畫伏羲衍神奇無極
 生太極六爻易象持神靈膺首出乾坤精敷治渾噩隆
 古風疏仡涉支離三皇昭正統乘運德教宜五帝創業
 先有為本無為狂獠荒莽俗坐理覺先知興作代結繩
 百度準設施斯文肇鼻祖巍煥崇兩儀御世建宸極宰
 化恢宏規遙遙幾萬年允為帝王師後世聖人作靈笈

菊坪詩鈔


卷下

一

擴後辭荒唐與元渺恐滋汲古疑六經首傳著天命儼
 在茲刪書斷唐虞其世若闕之原以近邃古治譜轉從
 遺建國居陳土光昭日月垂帝績邁軒皇渾沌化一時
 至今陵寢地跡未洪荒移輪廓壯觀美殿陛颺神旗豐
 碑多林立時享籩豆司廟貌像太古衣冠未設斯幽窀
 奠丙舍松楸擁茅茨長橋玉帶流高埠植靈著淮陽神
 貺永赫赫達蒼祇

畫卦臺

一畫始開天其說等竒詭不知神聖出創作獨專美三
 皇繼伏羲神明罔與比陰陽判兩儀無極太極卅三辰



歷數陳萬物盈虧理推測無待詳釐然列綱紀連山與
坤乾變爻皆後起古治易結繩渾忘幾甲子歸然矗高
臺荒談皇古址陳本風后居沿傳良有以至今懷渾穆
軒燧難悉指卦象歷昭昭言辭括端委闔闢動靜中道
鑰即在此周情與孔思不惑百世俟

歸輿村

在陳志返賦歸輿欲去東山訪舊廬狂簡成章小子造
纂修卒業六經書獲麟筆絕周庭柱歎鳳情傷楚接輿
終老栖皇行覽遍風塵稅駕倦游餘

出郡城口占

菊坪詩鈔

卷下

二

宛邱風俗本良循屢舍依連聚四民客館停驂三兩日
眼中游覽一番新

驅車向晚出淮城蒲葦蕭疎接岸平細雨吹衣涼撲面
樹林一帶撼秋聲

魯臺纔過已黃昏長短橋連遠近村路暗馬蹄行不得
匆匆來叩店屢門

連朝積雨作秋涼九月霜寒木葉黃一路行吟情不禁
客齋來趁菊花觴

贈衛淇園明府浚都

儒修吏治兩兼優品望才華第一流久蒞芹宮扶大雅

待銓花縣展新猷止談風月詩情澹落紙雲烟筆勢遒
鯛水欣逢嗟見晚崔儵室徑許人投
皖江返棹興何長添得新吟盛錦囊訪友梅城兼覽古
借居蓮幕且觀場風塵作吏才非偶雲水游蹤境轉茫
他日鳴琴親奏技定知遺愛及甘棠

食品小詠

鐵皮堅裹飽經霜粒粒紅珠聚一囊橘綠橙黃風味外

清酸沁齒釀寒香

石榴

堂前撲栗戲詩人園芋同收未竟貧爆向地爐閉剝食
色香不讓荔枝新栗

菊坪詩鈔

卷下

三

繞地青叢引蔓稠今年紅黍又豐收農家早食炊山玉
飽一冬天到麥秋

紅黍

蒲根茭白亦登筵採趁清霜味更鮮蓴美蔬香俱可擬
漫誇玉版好參禪

茭白

秋勝青蔓葉紛披其實離離可擷之採藥何妨兼煮豆
黃臺漫賦燃箕詩

山藥豆

故侯何事問東陵嫩綠冬瓜味自增絕羨蒸壺似蒸鴨
書鴟休得誚無徵

冬瓜

初冬雜興

九秋纔過又三冬雪候霜辰次序逢客裏光陰催似箭

年華消盡太疎慵

一年鄉景頗增思短句長吟擬竹枝雖說中州風土好
兩餐一榻悵何之

依然筆硯舊生涯商賈風同儒素家贏得錐頭利何許
被人枉誚習紛華

降得詩魔並酒魔賦成安樂亦名窩隨時且佳爲佳便
莫向風塵喚奈何

終日閒關斗室中客情飄泊歎西東一年一地成何事
轉似號寒鳥向風

小園花事半闌珊鎮日風霜作陣寒落葉滿階人不掃

菊坪詩鈔

卷下

四

秋痕只賸菊香殘

穎川僑住正春天回想園林却渺然黃蠟梅兼天竹果
小陽花事鬪新妍

漫說南方勝北方此鄉冬到更寒涼風門緊閉添爐火
準備羊裘亦不妨

霜冷天空木葉飛幾家茅屋對斜暉河干小立閒游眺
一箇老漁坐釣磯

荒村食品少佳肴館饌供餐亦解嘲除却雞豚並青菜
鱸魚美味足充庖

小室

小室安棲息時光近歲寒萬間貧士慨一卷古心歡客
路星霜歷吾廬天地寬遣懷吟舊句隨遇只泥蟠

步月

空庭當闕寂閒步夜涼天樹落風聲撼宵沈月影偏積
塵嗟客况似水歎流年立久覺衣冷繩牀好藉眠
不寐

竟夕未成寐塵勞百感生求衣思戒旦欹枕聽傳更壁
暗燈光閃窗虛月影清鄰家勤夜作機紡不停聲

和漁山客中述况韻

別有清幽趣棲同處士家澆愁傾竹葉寄夢到梅花客

菊坪詩鈔

卷下

五

贈回甘果僧輸點句茶誦君寒夜咏珍重壁籠紗

疊前韻

客久塵勞慣棲身市隱家心閒雲養月眼倦霧生花友
至時呼酒詩清不藉茶圍爐寒夜坐梅影上窗紗

小立

小立橋頭望帆檣傍晚多灘荒欹葦堰水落露蒿窠估
客鄉音雜村人市集過河干燈火上緩步陟堤坡

蠟梅

折得黃梅放未殘磁瓶小插惜珊珊傳來春信人千里
寄到鄉書蠟一丸疎影暗香同料峭檀心磬口自高寒

伴他松竹成三友歲晚孤芳不厭看

望雪

連朝天際散層陰不見飛花繞砌深
一夜朔風吹又止幾回惆悵惠連吟

迷濛小雨細沾塵雲際含冀望未真
準備呼僮掃竹徑烹茶爐火一番新

臘八日

陽回葭管日添長臘候欣逢令節剛
戶換桃符懸綵鳳庭陳椒酒祀黃羊
壺樽鄉俗祈年社鐘鼓僧房浴佛場
客裏時光看易過土牛迎歲送寒忙

菊坪詩鈔

卷下

送漁山旋汴梁二十韻

六

同作梁園客論交近阮嵇一經能自守
半載幸相栖詞賦才如海文章氣吐霓
藻彫啗鵠驚禔散狎鳧鷺性概油油爾
情懷簡簡兮征鴻揚健羽歸馬快輕蹄
暫別梅花屋時旋橙樹隄束裝回里巷
稅駕歇車輓童稚歡迎侍親朋載訪徯
高堂娛色養舉案效眉齊姜被怡怡共
陶琴藹藹攜火培烘炭獸香裊篆爐貌
北闕晴光暖東牀盛禮齋笙歌喧綺戶
錦繡擁瓊閨珍重温郎鏡清華謝女題
幾行紅靄簇五色紫雲迷爆竹聲兼徹
桃符景正躋吉門增綵勝高閣耀金鏡
多粘全家慶延釐百福

視庭相饒樂事新歲瑞麻稽

歲暮雜詩

憶自游梁後渾忘歲月徂征鴻迷雪爪歸鳥悵林呼寒
煥流光駛行藏作計麤鬢毛曾似舊攬鏡認今吾
小有游心倦客中散漫過吟餘秋葉瘦眼望暮雲多風
雨勞塵夢琴樽起浩歌長途嗟跋涉壯志幾銷磨
葉脫空街寂雲開暮宇清幾家村落聚百感客邊生繁
杵深林響歸船野渡橫河隄閑曳步燈火市廛明
頗適幽棲意閨中却自知花開逢日暖葉落趁霜遲乾
雀簷端噪寒蠅戶隙窺窳頭瓶未凍倩影倚梅枝

菊坪詩鈔

卷下

七

連日天陰久還期快雪來如何雲氣散又見霽光開凜
凜寒飈作淒淒小雨催庭階多滑澆時節仿黃梅
室小堪容膝居閒似隱蹤曉窗晴日上曲牖冷雲封向
暖飛鴉影衝寒野鶴容歲時易消遣物景又殘冬
一盞寒燈裏涼宵引興長披書知味永拈韻起吟狂竈
火燒紅葉爐烟散紫香更深仍久坐街柝聽聲忙
風光忽搖落已過小陽天瓦礫藏山果磁盆養水仙觀
書非拒客飲酒學逃禪不繫舟同寄因知去任緣
莫解歸心促鄉愁雜客愁鳧鷗雲水跡鴻雁稻梁謀萍
梗隨時汎闕山想壯游故園千里別蟾度隔年周

海角天涯路輪蹄逐處遙關河增厯覽風雪話蕭條幕
署游情寄屢居旅思撩蓬廬供嘯傲歲月聽沈銷
榮落何須計升沉各有因時過田父飲不受長官贖齊
物知平等觀場多矮人鳩藏安守拙吾也見吾真
客裏新詩卷寥寥白雪吟珠投何向暗桐爨感知音風
雨懷人遠林泉憶舊深津橋烟水岸歸路好追尋

臘八後五日見雪

冬來雨澤久愆期人臘彌深望雪思鎮日陰沈濃靄合
連宵風緊絮花吹田苗綠待沾濡潤庭樹瓊裝掩映姿
院宇分明開玉照天工粉本好添奇

菊坪詩鈔

卷下

八

飄飄灑灑不沾塵及物無聲聽未真竹暗有時添窸窣
梅寒偏好鬪精神鴻泥爪印留痕細蝶粉衣輕散點頻
頂卜豐年欣瑞景拈毫一曲和陽春

臘月十五夜月

弦朔時逢臘涼宵月未闌疎星沈影暗積雪射光寒蕭
槭千家靜渾茫一色寬庭階閑玩景蟾魄尙團圓

雪後野望

北風吹大野寒景倍清逾冰斷河流急林昏雪色浮詩
應懷輞墅畫想擬營邱村店炊烟起行人向夕投

丙午除夕偶成

行蹤歷碌倦情如客裏
遲旋北上弄臘雪一番調節氣
春風十日換年華臘月十九辭將舊歲迎新歲游徧山
涯又水涯已有歸期傳竹報
閨中無待卜燈花

丁未新正禹州胡鏡軒少府遠寄詩札依韻裁答
鈞陽話別又經年禮貌相別感昔虔刺史分符非志也
下民仰化自熙然宦情澹薄風懷遠詩境清閒月照圓
謬托苔岑增繾綣穎川難忘令君賢
壺觴疊聚興何賒問水粵山憶轉加溷跡魚鹽容我拙
凌空鴻筆任君拏擲金久擅才人賦抱璞非矜處士謙
且莫一官匏繫慨河陽潘令好栽花

菊坪詩鈔

卷下

九

生涯嗟我等齊民擾擾風塵跋涉頻
世味酸鹹多閱歷詩腸搜索自逡巡
白眉何相空遲遇青眼知交尚有人
箋札勞君重寄憶招來明月認前身

寄來詩句壓三唐傳到康城臘雪祥
黎庶歡忻衢擊壤使君祈禱夜焚香
二秋麥卜種種盛六出花飛陣陣狂
我愧瀕行無別頌民和政順紀春陽

東明集途次和陳桂舫孝廉

鏤韻

快渡蘭陽一葉風輪蹄盤折向燕中
長隄車碾沙痕白野戍燈搖夜火紅
村酒澆愁聊自遣壁詩澆墨我何工
津沽雲樹遙相憶計日歸程又迫匆

荏平店壘前韻

雨絲輕颺柳絲風客舍停驂驛路中鴻爪痕迷殘雪白
馬頭情倦軟塵紅敲詩似和鞭聲急寄恨難尋笛步工
滾滾黃沙吹滿面征途行色太匆匆

苦水舖壘前韻

瑟瑟蘆棚響晚風傾交何幸客途中茶湯鎗煮厨烟黑
竹盞燈搖土壁紅駿骨鹽車行自慨雞聲茅店夢難工
侵晨又逐前塵去驛路奔馳倦復匆

宿德州

交錯燕齊路又分鬲津河近海天雲城隅野店匆匆住
菊坪詩鈔 卷下
依舊聲喧車馬紛

唐官屯

衛河東去路迢迢野店燈昏客思撩人語鄉音聽漸近
風塵聊藉酒頻澆

抵津門

望到津門倍快然鄉關景色尚同前南轅北馬勞征夢
酒社詩場憶往年殘篋珍藏和氏璧行囊羞澀沈郎錢
春風又約長安去驛柳亭邊懶著鞭

別津門

何忍拋家去都緣作計難文章憎故紙夢想悵鄉關去

住行無定升沈念可刪輸他田舍樂十畝自閑閑

由朝城縣紆道至濬縣南新鎮途中雜賦

沙鎮西頭路朝陽郭外行炊烟沈野市草色上荒城餅
餌香初熟牛羊下有情客懷蕭索甚何以慰長征
終日車箱坐天明又放車人謀羸馬共旅夢鷺鷗賒村
望遙相接途經幾次斜征塵勞跋涉撲面盡風沙

已入中州境風情認異鄉郵程隨樹轉村路隔溪長逐
處鄉音換奔馳歲月忘店門猶插艾倏忽過端陽

客舍臨河近屢居托跡深生涯嗟末路知好話同心

鎮訪陳晴軒林丈

憔悴風塵久奔忙俗慮侵聞雞束裝去殘月

菊坪詩鈔 卷下

十一

挂疎林

故友游梁久臨河一面艱棲遲依客幕咫尺失雲山幾

度疎蹤跡同舟憶往還何時重聚首杯酒慰離顏

內說高道口欲說未果

延津口過河

車行十日抵延津一路沙痕促轉輪待到斜陽天欲暮

前途已近大河濱

一枝彖櫓好搖風極目洪濤盪遠空攜得輕裝飄瞥去

渡船遙指大堤東

黃河徑繞汴梁城好趁蒲帆似葉輕隄岸高橫行望到

遥遥旅店一燈明

大梁旅夜

霜操行來汴水程自憐落拓壯心平疲驢破帽都門路
旅館孤燈此夜情太息生涯絕薄計馳驅古驛遠從征
不堪又作游梁客重過夷門感易成

陳州客舍

濁醪強酌散羈懷淮水城南緩步偕客裏風光頻記取
他鄉生計待安排依人所向難從意隨遇能全小住佳
兩度陳州勞往返爲窺村景眼時揩

至澗川寓舍偶成

菊坪詩鈔

卷下

十二

鮑水橋邊初解轡澗川河上又停車移裝漫復嗟流寓
奉檄居然畏簡書候社代飛同燕雁忘機混跡等樵漁
進來院宇堪舒嘯月色當空竹影疏

于儕陵作朋來商水賦詩述懷和韻即贈

重過澗上亦多緣杖履欣逢倍快然海鶴精神標峻格
沙鷗蹤跡樂吾天登臨不倦游山屐才思時欽下水船
蘇老風流米老趣壺中歲月却忘年

于儕翁自平輿寄詩見憶步韻奉答

優游杖履貌增新澗水重來及小春聊盡盤桓三日聚
客邊草草作行人

雅讌曾陪誼倍真他鄉得遇故鄉人
半年聚首緣何淺望斷斜陽古渡津
翦燈夜話樂陶陶風義高情大雅曹
鹽筮生涯同領畧箴規勗我勝投醪
計日春來風度簫停雲在望路非遙
知交共詠高軒過待渡瀍川野水橋

張秉衡持贈寄琴女史著色畫幅詩以謝之

鍾靈閨秀技通神筆墨生香著手春
却羨臨池工作畫子昂得配管夫人

謝女清華鮑女才絮庭茗閣擅新裁
文章花鳥兼圖繪

菊坪詩鈔

卷下

十三

別向黃筌小品開

娟娟修竹臨風倚淡淡桃花拂露欹
更有慧心雙翠羽新詩嫺誦少人知

文通厚贈頗殷勤一紙持來綵藻紛
妙格丹青超粉本漫誇蘇蕙錦成文

張秉衡來寓舍次晨冒雪回高莊店寄詩致詢

朔風吹縹金甃井漫天化作琉璃境
雪裏何人冒凍來當關報到張三影
張君淵雅守沈潛吟詩往往發清警
顛耶噪耶宗有傳神情更過徐騎省
移家湖湘來宛邱庠序蜚聲標俊穎
家計多爲食指勞棄書學賈縈憂

澗川鹽筴小經營情雖負販行嚴整太行九坂困鹽車
駿骨難矜驥足騁自來志士多坎壈市井生涯聊薄領
依人作嫁但隨緣心勿境擾在深省莫拋本業負居諸
時來功就成彪炳蹉跎遺誤溷齊氏名士虛聲終畫餅
我言贈君兼勗君開陳且爲效祝哽今晨雪絮飛花麤
銀海光搖勢加猛君竟策蹇出城隅衝寒不畏霜韉冷
遠涉長隄榆社村滑遶前循應縮頸灞橋驢背詩興豪
陽春白雪歌思郢驛路梅花解笑人冷眼逢君露粧靚
入門覓酒破寒顏儼若老漁別筴箸好句應從冷境來
我索君詩勞遠憶

菊坪詩鈔

卷下

十四

戊申澗川元日

隔歲春先至

去歲除夕立春

新年曉更晴椒花催令節爆竹作

繁聲客舍時光駛城衢淑靄盈潁南三歲佳隨遇自怡
情

久作他鄉客年華又轉新鄉關時入夢風雪易懷人柏
葉頻傾酒梅花已報春折磨消壯志蝸寄任沈淪

新正和于儕翁寄詩原韻

除夕春來未曙光伊人遙溯水中央時當年景增晴麗
市遠塵囂暫退藏久客鄉園縈別夢隨緣肴酒薦新觴
喜予近得參元術眠食安然努力強

上元日偶成寄平輿諸同好

綵勝桃符又換新年前除夕已逢春連宵爆竹爭迎歲

耐冷梅花解笑人杯酒論交懷舊侶

謂儕陵漁山秋士諸吟

風塵

寄跡悵吟身淮陽河上羈游旅客舍時光歎轉輪

喧填簫鼓四衢騰巷陌春聲樂歲徵野老懽呼人日酒

兒童嬉舞上元燈月當佳節光彌滿雪值新年潤倍增

客舍留題聊自遣他鄉景物藉頻登

于儕陵和韻見贈復疊韻奉答

眼逢韶景一番新淺淺風光淡淡春陌上看花追雅友

燈前對酒憶詩人敲棋且布閒中子觀釣如游物外身

菊坪詩鈔

卷下

十五

論到養生輸漆吏能調神馬運尻輪

君懷灑落自超騰矍鑠精神見壽徵絳老多聞通古籍

東方善謔印禪燈情能淡俗吟偏壯交到忘年感倍增

何日百泉同訪勝蘇門嘯詠挹孫登

連日陰雲不晴小雨時零春寒特甚

二月春剛半連宵不見晴雲陰吹雨至檐響聽風聲庭

戶晝常暗心神閉自清黃昏看又近兀坐對寒檠

蕭館雨廉纖春寒逼畫簾裘衣朝復擁爐火夜重添小

飲情多適閒眠夢亦甜曉來開霽景花信闌紅尖

郭外即目

泥滑城闌屐尚黏春郊罨畫水雲兼杏花消息知何處
遙指橋頭一酒帘
已是清明二月天連陂薺麥綠如烟春光似與游人約
楊柳風和放紙鳶

澗川寓舍

澗川來寄寓計候已逢春歲月銷羈况鶯花伴旅人新
吟勞簡札薄業困風塵阮藉窮途感悠悠歎此身
市隱年來慣光陰似箭催萍浮聊寄跡樗散不成材夜
雨思園韭春風見石苔一編消永晝得句亦傾杯

春日閒居

菊坪詩鈔

卷下

十六

客舍幽居地春風幾日來半窗添細竹一徑長新苔
伴我月常照無人戶自開莫嫌栖隱甚仲蔚住蒿萊

步至城南游鳳臺書院

殘陽閒曳步幽徑近城南鳳去臺空峙鴻標境可探道
源嵩洛行地脉汝淮參靜緬文翁化絃歌雅韻涵

北郊閒行

名區來鳳峙孤城郭外閒關結伴行草色沿隄通古寺
柳絲引路接郵程麥田鷺點風中影桑陌鳩呼雨後耕
他僻殊無游覽興踏青令節負清明

花朝

番風廿四信相招花事關心是此朝羈我游情千里別
泥人春色二分描不勞羯鼓催聲急何用香旂儼影嬌
空憶洛陽誇錦繡嫣紅姹紫太無聊

春分日聞雁

屈指春分日征鴻得氣先幾時辭北塞此際返南天雲
路遞相引客心應共憐依依似行旅草澤有歸田

張秉衡陳州試回來寓晤談

策馬春郊去淮陽路幾尋關河縈別夢風雨助微吟訪
勝絃歌地偕游花竹林連旬重把晤澗契慰苔岑

瓶中杏花

菊坪詩鈔

卷下

十七

園杏供瓶玩當窗已露紅客懷寒食近詩思雨聲中野
館濛濛霧村郊淡淡風玉壺春可買不復酒杯空

題戴醜石仿米元章小幅

馳驟含風雨蒼茫尺幅閒烟痕迷遠寺墨漬認遙山幾
樹成村落連江送客灣襄陽參妙詣畫本邁荆關

題杜柳漁畫即用題句原韻

碧山秋老落霜紅江上詩情此境同烟外一航何處泊
蘆花淺水月明中

題畫

落落疎林淡淡山倪迂畫意有無間幽人策杖來

隱約松扉晝閉闌

遙山一角寫秋痕老樹橋邊認遠村料想高人寄幽興
深林歸去月黃昏

登商水北城

汴南游草

商城地瞰古陳州乘興攀臨豁遠眸海上雲山成隔夢
甲辰客遷 陽州署 天涯詞客感登樓連村濃靄晴如畫危堞高
空冷逼秋最是清明好風景春郊士女踏青游

禹州袁桐友廣文過商水見訪別後奉寄

鈞陽過學舍研席接清芬萍汎曾憐我蘭盟夙契君壺
樽供覽眺意氣薄風雲倏忽前塵隔魚緘寄憶殷

菊坪詩鈔

卷下

十八

判襪幾寒暑情常旅夢牽思君艱一面小別已三年畧
跡應投分棲身各信天潁川雲樹遠每望倍流連
錦旋勞稅駕見訪華門來照我同春月頌歡借酒杯宦
情消苜蓿旅况倦蒿萊一夕連牀話離悵鬱可開
投轄知難強臨歧復愴情路紆商水郭日送項王城子
舍趨承切親庭色笑盈家園安樂足不讓太邱生

讀秋士見憶之作和韻奉寄

近誦新篇結構工論詩君亦主人翁

用張爲楠句
主客圖意

悟來

石契三生約妙到丹成九轉功壯志磨殘鹽筴裏吟情
消盡酒杯中金昆往昔馳雙轡各樹騷壇一隊雄

君少應試

場與今季白也
太守名噪一時

吾儕聚散聽天遭往日酬吟快染毫君望嵩陽舒嘯傲
我牽蘭佩詠風騷萼羹有托思張翰簡札何人寄孔褒

程自來般川落窠已極而京
洛舊好久疎簡寄故及之荏苒年華銷太甚唾壺狂

擊輿猶豪

和秋士游盧園原韻並質儕翁

向慕盧園未訪游當年裊展想風流堂留綠野思裴相
地近青門憶邵侯曾有名賢留簡冊可無華屋感山邱
須知零落郊林景偶一憑臨熱念休

菊坪詩鈔 卷下 十九
君家舊住枳溪旁數里遙窺螭粉牆池沼曲通春水暖

亭臺多蔭夏槐涼玉津花木成荒壑金谷繁華憶夕芳
莫愛林隅成午夢夢中有夢到黃梁

花墅看牡丹放歌

和風吹暖宜春院沈香亭畔紅霞濺豔陽三月闌繁華
穠芳不惜羣花殿李唐愛後人愛多姚黃魏紫標香傳
雲錦衣裳紫玉容風前笑颯芙蓉面由來題詠盡名流
爲惜芳華增眷戀欄干十二春晝長綠陰半罨花旛顛
歌管紅燈對綺粧園亭豪客誇游宴貧家亦開富貴花
每到餘春饒錦眩海棠謝却柳飛棉風前陣陣飛紅片
人生行樂貴須時眼前莫把流光賤花自逞妍人自憐

花不與人在邀羨茶蘼小院半陰晴一曲清歌鶯百轉
一花一木何足矜造化推移端可見青陽律轉薰風來
蘭芽抽箭荷衣絢

郊行口占

薄暮沿隄踏綠莎
桔槔閒挂雨初過
田間處處篝車滿
都道今年打麥多

同友人步游

纔過四月又黃梅
雨氣浸沾遍綠苔
行盡城隍穿草徑
槐花未放棗花開

寺院荒涼古木遮
斜陽欲暮散歸鴉
野僧敲火自炊爨

菊坪詩鈔

卷下

二十

寂寂鐘魚聽不諱

早起同儕翁步至城隅觀荷

城隅寂僻近迴塘
聯步行來趁早涼
曉旭初紅收露氣
沿溪陣陣送荷香

偶來荒境亦清幽
蓮葉蓮花宛帶柔
却憶風標兩公子
漁洋曾詠鏡湖游

和秋士密城望嵩山見憶之作

峯青江上句追錢
目極嵩陽往復還
名士看山思勝地
高人說夢託游仙
君棧何幸鄰三島
我計徒慙守一廛
太室靈竒排廿四
盧鴻策杖徧層巔

說山情比望山濃快讀新詩破
蘭封癖結烟霞同徑鶴
跡親雲壑隔林松塵中妙境無
緣共象外危巒到處逢
嘯詠幽懷勞寄憶筆花高聳玉
蓮峯

再和秋士疊韻奉答

結得幽廬傍檜陽望中嵩岫列
成行長松勢挹千巖秀
少室心參一瓣香舊雨感懷勞
問訊和風被我寄酬章
枳溪同友齊生羨欲訪仙人白
石梁
名韁利絆已拋休淡泊生涯只
自酬我輩論交非跡合
好山到眼任情搜坡翁每動三
江感向子常懷五嶽游
燕雀曉音喧大廈何來妙手控
時憂

菊坪詩鈔

卷下

二十一

小院

小院時多雨莓苔到處生
行吟長怯滑擁坐待閑晴
竹暗綠如瘦花欹紅半橫
閑闕無一事俗慮覺刪輕

久雨

久雨不開霽夏長更積陰
簷聲聽陣屋漏覺沉沉
蠹翅書牀滿蝸涎畫壁侵
焚香散霉氣簾外暝烟深

早晴

早晴紅日上庭戶倍清和
宿靄如全掃微曛亦喜多
林蟬高樹噪瓦雀對窗歌
竹篠新抽細絲絲繞女蘿

齊翁來商水小住經旬晨夕
晤談頗慰岑寂別後

寄懷

何幸潞川舍長停君子車忘年交易洽舊館夢常賒客
路奔馳慣郵程涉歷加襟懷真灑落矍鑠健容華
傳舍前番記今來倍快然友朋重聚樂花木舊裁妍雲
鳥隨相遇淵魚適我天盤桓逾十日投轄信留連
追談忘晨夕風雨促離懷本以過從便何妨小住佳笑
言欣老輩意味契同儕鯉訊殷勤達秋分月滿淮

夏日雜詩

長夏當清晝蕭齋足自娛門無防剥啄徑已半萊蕪坐
久花應笑吟餘鳥並呼淹留忘市隱何羨輞川圖

菊坪詩鈔

卷下

二十二

寂寂園居靜澄懷俗慮捐花深時見蝶樹遠少聞蟬散
步常聯襪酬吟每擘箋羈留過三伏又近早涼天

露雨經旬久簷聲聽未停巷深聞響屐屋小擬空船霧
重桐藏碧烟迷竹隱青積陰吹不散庭戶晝冥冥

院宇不開霽昏昏晨夕迷枯篋聽馬嘶殘堞有雞啼農
子占晴切征夫嚮道稽客居聊自况絕似鷺鷗栖

積雨莓苔長沿階綠漸生庭陰多宿靄林際露微晴瓦
角仍鳩喚牆根散蟻爭池花猶帶潤燦漫亂紅盈

野蔓扶牆上層層翠幕張青連蕙竹蔭紅襯女蘿芳雜
卉紛無數清陰細作涼園亭宜賞夏小飲助詩狂

六月十五至十八連夜大雨間作紀以長歌

轟轟烈烈電雷發飄飄蕩蕩風雨作風聲雨聲入夜雨
交暹天公作劇如此難臆度雷勢隱遠電閃消風鳴淅
瀝雨響猝黑雲壓地天陰昏昏昏沈沈儼似夜濤來澗
渤簷溜如繩聽不休急點打窗屋瓦裂更漏剛沈勢倍
驕天瓢倒瀉銀河窟千聲萬聲併一聲炎宵竒詭難堪
說初如萬木響烏號旋如懸泉奔不竭復如鳴金伐鼓
接陣雄更如巖崩海走掀天沒旬旬噲嗒不欲聞靜中
幻象真鶻突憶昨壬癸雨歲間汴河決溢黃流越滔滔
洪水人其魚境過重經驚恍惚不願雨澤愆期復速期

菊坪詩鈔

卷下

二十三

但願五日十日循序列田禾無傷溝洫通曰時暘若民
生樂書生亦解屢時憂天心仁物欣有託欵枕挑燈夢
未成避漏移牀情鬱結萬間廣廈寒士歡杜老憂懷非
戲謔我爲長句紀時詳朗吟吼共蛟龍搏

夏日寓居排悶

賴南僑寓久倏已近三年景物隨時改行蹤屢境遷人
情多變換世態枉周旋似水流光駛捫心自悵然
豈有山林癖屢居似隱居情懷羞牧豎行跡類樵漁莫
負鬚眉壯非因肝膽疎孟嘗三歲在彈鋏歎無魚

去住皆無定云何不自由半生嗟落拓終歲任優游志

豈初心易情甘拙守尤仰天羨飛鳥不向網羅投
眠食欣無恙晨昏頗自安一編聊適趣長夏不知寒花
木因時茂風塵笑我殫心齋忘坐久蝸舍任盤桓
傳舍依澗水駸駸歲月陳狎鷗同海客友鹿似山人世
味嘗同慣俗情歎失真自憐甘瓠落憔悴向風塵
雅有閒居趣幽庭最做深繩牀安客夢竹屋少塵心閒
樹當窗倚疎花夾戶侵午餘渾不倦消夏亦長吟
一夏常多雨偏忘暑氣蒸開編驅獵蠹揮帚逐飢蠅階
滑行時懶窗昏目未澄晚來如擁卷須借案頭燈
客久情皆適棲遲一室中家園勞夢寐身計任西東幕
菊坪詩鈔

卷下

二十四

掩嗟巢燕泥留認宿鴻田居安樂甚奚必問窮通

讀昭明文選

一卷儒林傳流觀溯舊聞古人如可作曠世述斯文川
海源同導薰蕕器若分昭明勤博採藻績亦揚芬

讀陶詩

脩然絕塵俗五字本清新松菊怡斯性琴書伴此身問
名彭澤宰寄想葛天民魏晉無方侶桃源托避秦

讀蘇詩

蘇公謫詹耳遺世想風流黨籍聯君實友懷屬子由東
坡思築室南郡慨登樓何幸淮陽郭書堂舊跡留陳州

初秋遣懷

年來作客漫羈留，激水棲遲不自由。
髀肉無生空拊歎，詩腸漸瘦任枯搜。
浮家志感鴟夷子，攬轡人思馬少游。
塵事升沈皆一定，何須身外妄營求。
漫嗟落拓且隨時，境遇何常自主持。
客路每多游子感，古人曾重布衣知。
無聊似縛春蠶繭，有恨徒抽夏蠋絲。
涸轍鰕生增慨甚，雲山滿目悵歸期。

初秋夜作

夜來一雨便成秋，客舍蕭然暑氣收。
葉落井梧涼有信，

菊坪詩鈔

卷下

三十五

風敲窗竹夢俱幽，家山千里勞思憶。
泚水三年又滯留，枕畔忽聞雞唱早。
銀河斜影月橫鈎。

偶感

搔首華顛異昔年，風塵飄泊最堪憐。
觀濤却羨枚生筆，泛宅思乘米老船。
傲骨高撐多亢爽，俗情久厭費周旋。
本來面目存真相，何事須彌失性天。

從今閱歷又增新，萍梗遭逢見夙因。
車笠訂交皆跡合，壺觴惠我亦清真。
隨時得樂能安遇，入世無求何媚人。
榮瘁靜觀同一致，蠅營蟻附倏銷塵。

咏史

莫持定算費周張，弩末相矜但崛強。漫擬守株勞待兔，何須歧路悔亡羊。成虧已卜羸輸理，得失分覘上下牀。未雨綢繆宜早計，難從荆棘覓康莊。

誤人寡斷是優柔，却悔明珠向暗投。夢幻迷情忘覆鹿，邱山迴首失前牛。入林妄作遷喬想，築室何能與道謀。傾軋機心嗟太甚，艱辛難復說從頭。

戊申商水中秋

秋色澄清薄碧空，桂華香噴露華濃。十分圓滿三更月，千里情懷一笛風。旅况劇憐辭社燕，客心遙繫寄書鴻。閒庭坐久微涼夜，庾亮吟高興不窮。

菊坪詩鈔

卷下

三十六

寄意

碧雲捲暮空，瑟瑟金風起。秋痕淡無際，秋懷安可已。涼氣散林薄，葉落透晴晷。槐陰墮秋蟲，絲絲引若委。餘溼積敗塵，樹根散游蟻。物情隨生化，俯仰流光失。人事與境遷，靡靡嗟逝水。遐想靜者心，行藏融至理。

聞蟋蟀

切切復淒淒，蟲聲亦幽雅。偃身草莽中，情衷勞獨寫。入夜促秋吟，當風撼簷馬。志士多苦心，誰是知音者。

薦蘿

薦蘿柔且長，絲絲抽細絲。不附嶺上松，但緣窗下竹。托

根無比附葳蕤成林簾紅葩兼翠篠清陰散微馥階前
萱草花忘憂情若屬

庭竹

庭竹成筵簌蕭疎生幽趣寥寥十餘竿叢細紛無數萬
个排簣當渭川亦何幕層陰護一窗几硯清涼布晝靜
足娛懷虛心我師遇每當風月交橫斜別態具秋色澹
無痕雨餘散輕霧夜來螢火入點點空青附高屋復邃
深客情憐小住晚天閒玩坐時復吟新句

歸燕吟

秋風動簾幃梁燕欲辭主伊本似旅人言將復故土故

菊坪詩鈔

卷下

二十七

土在何鄉茫茫烟水處關路間風霜詎云我得所憶昨
春社初呢喃衝杏雨結巢海棠樑將雛勤乃乳庭院飛
雙雙花間每巧語海國別烏衣栖遲歷寒暑涼秋吹商
飈客懷渾觸緒相約待春來重把離觥敘仍借故巢棲
主人曾見許

秋雁篇

春燕去秋雁來代飛燕雁情何哉遠來千里雲天迥一
行陣向楚江開思飲啄覓棲止朝過彭蠡岸暮向瀟湘
泚朝行暮宿伴同攜客路迷茫雲水裏雁詎不知勞雁
豈不辭苦止爲稻梁謀栖栖情若許明月蘆花兩岸霜

一聲嘹唳斷人腸。秋風草草催行旅。絕似征人別故鄉。
故鄉回望闕山遠。雲樹依依難遽返。他鄉聊作故鄉居。
雁兮雁兮情宛宛。吁嗟乎涼秋九月塞北寒。黃沙白草
何漫漫。雁飛欲托無中澤。只有羣羊雪地看。

秋晚即景

西風吹雨來林際。紛紛落葉秋聲逸。庭院陰雲暝不開。
餘音颯颯增蕭瑟。槐影彫零柳色殘。砌花作態尙團圓。
秋容滿目渾無盡。試取園居畫裏看。

題漢宮春曉圖

宮人持帚迎薰殿。珠簾畫棟參差見。幾度君王帶笑來。

菊坪詩鈔 卷下

二八

嬪娥歡侍昭陽宴。三十六宮寵孰多。昭陽每使君情眷。
粉黛無人與並爭。翻令寵妒宮闈變。永使長門一步違。
寂寂幽居不見面。何幸黃金買賦才。無嗟捐棄歌秋扇。
依舊羊車引路來。他人幸忌何容擅。仙人掌折承露盤。
荆棘銅駝看已徧。蓬萊彷彿近南山。長樂未央等飛霰。
美人黃土久銷沈。徒向丹青增感羨。至今宮瓦落人間。
空餘珍重鴛鴦片。

九日商水東關外小閣登高

澗上又逢重九日。登臨偕伴陟平臯。孤城近水蘆花繞。
小閣斜陽樹影高。羈客秋懷聞塞雁。故鄉風味憶霜螯。

欲簪黃菊無從訪枉負吟詩杜牧豪

秋日河上

幾家村落聚寒烟渡口閒尋晚照天
秋共黃花攜客袖
雨吹紅葉上漁船
蘆汀蟹火明
還滅柳港鷗波斷
復連
倏忽霜風逢九月
潁南羈絆旅懷牽

秋蓉題句

羞隨桃李鬪芳春
倦倚秋波妙入神
只有容華傳畫稿
漫將憔悴怨風塵
牽同蘭菡思公子
採並江離贈美人
湖上女兒好顏色
菱花鏡面照粧新

出郭步至北郊過小村紆道進城回寓

菊坪詩鈔

卷下

二十九

北郊官道多泥濘
遠向村頭覓徑行
來水惟餘蘆葦影
連畦不斷轆轤聲
柿林紅葉秋霜冷
菜隴黃花晚照晴
迤逦城隅看已近
市坊燈火上初更

同人小西湖散步

方塘一鑑儼成湖
風景雖非尙可娛
小寺臨城高樹隱
曲橋通水亂荷鋪
半村半郭留形概
宜雨宜晴想畫圖
我向西泠思美景
隄名祇記白兼蘇

秋暮偶成

沈陰不散暗生涼
霽色新開書覺長
曲院竹深留宿霧
疎林葉落漏斜陽
西風瘦影人同菊
秋色寒空雁叫霜

近喜日閒無一事拋書尋夢黑甜鄉

安然眠食覺身閒塵事無牽俗慮刪菊院尋詩懷友社
竹牀引夢到家山風霜節候驚秋晚歲月關河阻客艱
堪念潁南勞寄跡輸他十畝賦閑閑

秋晚村望

郭外風情異秋容畫不傳白雲沈野戍黃葉趁霜天淺
浦餘寒潦平蕪散夕烟村頭閒望久蕭槭倍堪憐

菜圃

小圃疎成畧盈盈一徑通炊烟殘樹裏秋色夕陽中此
味真堪敵斯飢歎與同何人勤抱甕遙憶漢陰翁

菊坪詩鈔

卷下

三十

客况

客况年來迥悠悠歲月徂雞蟲啣一得牛馬任人呼潦
落嗟懸瓠踏躑枉向隅謀生原不易失計悵窮途
了了殘棋布難從得失謀客懷同敗葉塵事歎浮漚時
遇才原拙機心我不由無端羞咄咄局外漫相尤

嘉平二十四日自城內齋舍移寓周口鹽廠作

二年商水城齋舍相依久倏忽駛時光頗慨風塵走吾
生性倔強落落殊寡偶魚鹽溷跡來爾我求無咎濫竿
效東郭奏技瞠乎後聊以適吾情閱世混好醜高屋做
四楹几榻成幽藪春夏花滿池時酌一杯酒朋輩若忘

形莫逆山林友平生夙志期慚焉呼負負境仄時數乖
捫衷嗟株守嘉平廿四日移居周家口草草屋數間蓬
蒿三徑有宛似葦可枕難窺城依斗一榻略安排宅居
愧元九臘盡雪連天寒風吹戶牖蟻垤笑泥封夢境南
柯右院中有高槐一株歲逼尙寬閒身計安以受千里望家園
歸心忽抖擻努力勉前途我材非衰朽

厥居湫隘又值歲暮旅况鄉懷慨然賦此

茅屋僅數椽聊復托棲止容膝不容身羈栖遽集此草
草整行裝一榻粗可恃悠悠逼歲除徒悵年光駛臘酒
晚便傾雪花冷窗紙煨爐久坐間夜氣涼於水擁被復
菊坪詩鈔 卷下 三十一

除夕寄家書

客懷潦倒漫愁予風雪連天悵做廬一紙家書勞寄憶
故鄉度歲復何如

療貧却少避寒金兩字平安寄語深幾度家園勞夢想
客邊殘歲自題吟

己酉二月來商水城寓

年光轉瞬又春初乘興時乘下澤車陂路遲回防滑澁
情懷寥落任紆徐游蹤仍復來城市夢境依然托故廬
草草解裝聊小住浮生飄泊悵何如

新春述懷

嗟予株守向風塵又覩春來物候新千里歸心懷遠夢
三年旅况倦游人情同雞肋真無味愁集牛毛不只貧
自笑書生甘暴棄窮途聊復免時瞋

春日寄懷陳晴軒妹丈

與君已是廿年交雅抱元龍意興豪趙北過游同昨似
漳南話舊記前遭魚鹽小隱櫻塵網風雪殘年感綈袍
菊坪詩鈔 卷下 三十二
歎我客棧仍泛梗瀝河相憶首重搔

春雨

春雨久不霽旬餘未出門晝陰沈樹色霧氣遍苔痕屋
漏移牀慣街喧響屐繁晚來更如注破寂倒吟樽

閒况

世味嘗應慣羈遲感易平青衫塵漬染白髮客愁生蟻
磨甘同守鳩巢計莫爭勞勞終日裏殘帙自娛情

四月初六日重寓城舍

收置輕裝共一車平畦緩緩輾塵沙章華臺近城東路
又到橋邊問酒家

重尋時已過殘春寂寂園居絕少塵怪我行來多孟浪
惹驚鄰犬吠游人

客途馳逐又年年
離舍澗南小住綠庭院清閑人去後
桐花散豔暮春天

莓苔遍地滑青鞋
草色侵簾綠上階
却笑僑居渾不慣
竹牀茶竈待安排

捲簾好待燕歸巢
庭館陰陰雨氣清
花亦多情解迎客
輕寒猶勒牡丹苞

兀坐無聊半日閒
更無客到扣松關
幾竿修竹不成列
助我吟情俗慮刪

菊坪詩鈔 卷下

年頭移寓太匆匆
舊景分明忽又逢
河口衡茅終戀此
城居何故不相容

雨日盤桓又復回
滿園花木爲誰開
一聲啼鳥春歸去
好待乘閒取次來

園中牡丹因時寒未盡全放余不能久佳翫其盛
豔詩以寄興

牡丹枝傍舊池谿
婪尾餘春未放齊
獨媚無言鏡別態

孤芳自賞托幽栖
花留小豔遲人至
夢喚東風任鳥啼

聊寫吟章閒寄意
繁華回首悵淒迷

雨後出城回新集

驅車來城舍息影僅信宿還轍復相尋疲馬途已熟遵
循隴徑行平沙輾塵麴滿目綠盈盈高下徧種種麥色
遠連鋪迷漫青浪逐細穗禾抽齊濯濯如新沐晴煦得
薰吹餅餌香彌馥田間叱犢人年豐飽魚菽笑我太奔
馳不問求田卜景物自嬉和客懷枉勞碌何日賦歸來
沽邊依竹屋

餅中插春蘭一枝時聞微香澹然意遠

幽蘭在空谷榛莽絕依附金玉闕爾音美人嗟遲暮
瓷餅供一枝烟姿帶清露九畹異沅湘儼繪凌波步解珮
繫芳思繾綣增延僚斗室少塵氛小倚珊瑚度燈昏月
菊坪詩鈔 卷下 三十四

上時倩影遲透遇吟餘寄遐懷三復楚騷句

夜坐

夜坐舒清嘯倏然發幽警寂寂絕囂譁此境聊自領局
促半年來冬盡春又永日聞騾鐸聲嘈雜擾虛靜虫
非吾徒往來皆市井溷跡向闌闐那可容骨鯁禹筮逐
刀錐機心何妄逞難言獨我清耿耿懍衾影怒罵變笑
嬉譁張靡所騁我本陋巷人往志勵汲綆雖假館穀謀
中懷守素秉鈞陽我昔游俯仰慕箕穎

周口即日

人烟集河口來往如游蟻塵市枕河隈闌闐疊層起延

亘數里間稠雜趨密邇棲舍依村頭翬然遠野市偶焉
出門游堤陂閒曳屣淺沙鋪岸平遠樹接逶迤河流指
東下帆檝盪中沚斜陽散曠野天光低接水場圃近村
落茅檐臨渡嘴菜隴綴黃花麥畦青泚泚塵外住幽栖
風景桃源似靜詠樂郊詩中情曷復已

隄上吟

春風吹我隄上行往來游人爭送迎
春不覺春歸早歷亂楊花撲面輕
森森河流縈遠曲鴨頭漲暖舍新綠
江上鹽賈槩閒停前船櫂聲後船續
船居勝似家居好
柁樓美人起常早飽食濃粧顏自嬌
郎作商人富珠寶

菊坪詩鈔

卷下

三十五

商人牟利利倍息私積多向官租得南來北往日經營
買得胭脂好顏色飽暖不藉十指勞反嘈村嫗苦蓬蒿
那知世路風波險不及鄉間井臼操人生勞逸各有天
能得其樂自安然世間何苦營營者終日奔波徒可憐

送春行

四月十三春始歸餘春婪尾爭芳菲
楊花飛徧榆錢散桐葩漸茁芭蕉肥
落英門巷綠陰長細雨黃昏侵夢想
欄干羃歷宿烟沈東風紅袖情難放
寂寂重闌當書靜美人臨粧窺鏡影
相思宛轉惜殘春花片胭脂拾畫井
流鶯叫徧春山綠海棠庭院燃華燭
醉宴良宵歡未休

流連轉恨春歸促春來兮來何處有脚陽春曾如晤春
去兮去何方曉鐘初動斷人腸春來春去渾無定我欲
問春春不應一杯酒聊持贈來年好待蒼苔徑

繡毬花歌

棟花風過茶蘼老九十春光去草草芭蕉葉展綠陰長
紫藤綻豔舒青葆司香仙尉巧新逞牆頭繡出冰毬影
七寶玲瓏嵌幾層花田化作琉璃境綠雲一樹壓欄干
千花一叢生清寒刻楮難摹天樣別招來明月照團欒
嫣紅姹紫羞無色翦綠何須爭頃刻瑤華仙子駐青鸞
一種天然去雕飾金鍼似度鴛鴦譜妙線何人工織組

菊坪詩鈔

卷下

三十六

飛來粉蝶認團團九華試作凌霄舞敝女明珠十斛收
蟾娥寶鏡圓光浮丁香百結成璣琲難使人消一段愁
誰家閒玩秋千架綠雲一朵從天下白打相邀繡纈拋
花光人影遙爭射誰家年少逞清狂打毬逸事效三郎
滾團不畏花生妒香國將迷蹴蹴場

聽黃鸝歌

綠窗微放春光曉清曉一聲鳴好鳥驚醒香閨夢不成
遼西隔斷嗟何渺柳陰霧散做朝曦金衣公子藏身小
叫徧春山恨未窮飛來庭院柔思挑初爨銀簧脆且幽
珠喉啞轉隨風嫋軋軋縱梭擲不休林中音籟彌旋繞

啼血非同蜀杜鵑號寒並異秦吉了好待攜來柑酒聽
春陰一路神情俏鐵砭俗耳重鶯盟和聲求友向林杪
倘言療妒可通靈鳥定高飛免逐擾

靈濟廟大槐樹歌

商城北隅靈濟廟少華山人留遺照仙園半畝藏幽栖
老槐一株特竒妙聞說此槐歷世數百年至今輪囷品
格難同調龍鱗百丈枕牆隈大枝久脫新枝陷不住深
山壽自長秦松漢柏想形肖荒碑蘚剝記前朝佛火經
香存廟貌樹老通靈閱世長衣冠幾見青蠅弔錯節盤
根霜雪侵殊材遺世容孤傲萬牛迴首重邱山斧斤削
菊坪詩鈔

卷下

三十七

伐無人到鐵幹峻嶒接碧霄虬枝盤疊遮晴曜風過涼
陰散綠烟雨餘樹頂飛瓊瀑年年四月葉森齊清痕一
徑濃如罩野外人家得所棲適情聊可安耕釣橘井丹
砂仙跡遙青囊妙術羣祈療林際如聞筭笏聲鸞音夜
半舒清嘯我時避暑一閒游藉席少憇情相樂棧觸枯
槐庾信篇行吟偶助烟霞眺

永福寺十八羅漢石像

祈福建永福澗疆遺梵宇布地散黃金寶剎開淨土廟
貌啟宏規莊嚴想往古祇園舊旃檀經堂寂鐘鼓昔時
說法場天花散如雨浩劫歷年多榛莽半荒圃玉帶鎮

山門銷沈何勝數近歲稍葺修門垣聊粗補做殿僅三
楹清齋供禪祖旁列羅漢尊石像森依輔巨靈擘何年
神工運鬼斧面壁巖洞深幻相天然覩或參淨業緣或
作長齋伍或持入定戒或乘飛錫舞或者降天龍或者
御神虎或是低眉佛或疑羅刹主或擔經杖行或咒曇
鉢取法相寶龕紛圓光舍利吐妙諦法蓮華傳神盡阿
堵種種現佛因經營功德普五丁鑿峨嵋二子移崑崙
竒詭歡喜林不二闢靈府揚塵閱滄桑楞嚴探洞戶我
來肅瞻觀彷彿游天姥禪關無高僧難領蒲團苦安得
老龍眠白描可規撫

菊坪詩鈔

卷下

三十八

十七日由商水新集赴曹砦

年來蝸寄足盤桓寓舍重遷作客難燕跡縈情憐舊厦
馬蹄送影悵吟鞍迢迢驛路千絲柳渺渺河流幾曲瀾
炎夏奔馳勞遠道征塵珍攝爲眠餐

早行有感

關河修阻長客子勞行役雞鳴早束裝窗紙猶未白月
影墮叢林燈光搖土壁投宿未安眠匆匆長路迫村落
野人家棲息自安易嗟我事放游勞逸誠懸隔人生衣
食謀鄉井可溷跡何用在馳驅風塵徒鬱積登車一復

思中情殊歎惜

道陵岡

驅車過古岡日夕覓投止周道近河濱人烟集村市荒
店尙可栖蔬食頗充美禾稼正盈阡青叢望委靡不知
何代陵高培成阜壘草木鬱森蒼遺廟凌巔趾客心馳
未閑無暇探盛軌

呂家潭午憩

慚愧盧生鬢已絲呂家潭上倦吟思此行不是邯鄲道
枉憶黃梁入夢時

董橋

村路去迢迢侵晨過董橋淺河流一綫垂柳幾千條叱
菊坪詩鈔

卷下

三十九

犢田間早聞雞野店遙行行望前浦隱約酒旗招

汴河口

纜過汴城東又到汴河口行人往來多不見隋隄柳村
鎮居人稀前厄黃河水瓦屋半彫零日暮亂鴉起

宿朱仙鎮旅店

四野鴻嗷聽已稀當年繁盛景全非沙埋寺觀敬樓瓦
水退街衢掩市扉築壩引流舟可濟度畦梳隴豆初肥
青叢却喜看彌遠過客無勞發慨歎

曹若寓舍

年年客路悵長征激水栖遲自適情今又梁園驅馬去

曹家砦近大河橫
依然廣廈啟雲屯
天樂名齋舊樣存
笑我久居蝸舍慣
南州下榻傍高軒
雨後登樓暢遠懷
望中一塔接雲隈
仲宣曾有思歸賦
未必臯枚是傑才
半是新知半舊知
今來晤聚快多時
雲山咫尺成遙隔
風雨雞鳴悵我思

歸途雜詠

輕車一路碾平沙
行盡村隄日未斜
撲面炎風熏似火
解涼先買道旁瓜

菊坪詩鈔

卷下

四十

馬蹄逐逐路遲遲
樹下停驂小歇宜
籬落人家聞笑語
早耕剛散午炊時
行過長橋又短橋
沿河一帶柳條條
魚罾蝦齏連相接
好趁蘆花傍晚潮
投來村店且安眠
暑氣微消小雨天
綠樹成陰圍屋繞
迎風不斷亂鳴蟬
風塵我已倦長途
馬上敲吟興不孤
回憶鄉關游釣處
濛濛烟水認丁沽

西華道中

古郡箕城策蹇過
石橋高跨傍沙河
塵勞倦我憎長道

仄境磨人感逝波，禾葉風吹微暑散。豆花雨歇嫩涼多，蓮葉冉冉依空渚。却憶蘭艘捉搦歌。

桐友寄詩見懷，依韻奉答。

兩度相逢並夏初，澱川暫駐故人車。匆匆又作臨歧別，風雨關河每悵余。

項城初返過商城，話舊難忘此日情。多喜君家誕英物，試來雛鳳更聲清。君廷

學舍常餐苜蓿盤，儒生本色是儒官。知君鸚薦今番下，消息秋分桂子丹。

元龍豪氣似前時，愧我年來鬢已絲。回憶釣陽游覽勝，

菊坪詩鈔

卷下

四十一

魚箋聊寄數行詩

晚自周口入城道中即景

驅車又適澱川城，日落西山放晚晴。人語野田微見影，馬行沙路靜無聲。土橋草沒溪流急，窰戶燈昏夜燒明。望裏迢迢村樹隱，重圍雉堞遠相迎。

城寓漫興

蓬蒿滿徑費鋤刪，舊舍相依略可安。亂竹橫斜殊有致，雜花開落尚宜看。微風爽送千林響，一雨涼生六月寒。午榻高軒初夢醒，階前蟻陣鬪將闌。

城寓觀荷

數畝城隅地盈盈一川荷香清在水人影淡於烟鷺浴藏深葉魚唼起泛船危牆環雉堞夾路柳陰圓

秋日閒居

拙守蕭然一室中秋初景似夏初同迎涼方簟思聽雨揮汗團蕉不受風窗竹靜遮浮練碧紙園花香放小桃

紅龍瓜鳳仙俗名小桃紅

無聊寂寂懷難遣日落河干訪釣翁

城寓得句

城舍塵囂隔空庭獨坐長雙松依古石亂竹上斜陽蠅擾驅時熱蟬吟愛晚涼生涯甘落拓隨遇率行藏

秋懷

菊坪詩鈔

卷下

四十二

新月挂林梢初更聽鼓敲鴉飛穿樹杪蟲語亂階坳生計嗟無策塵勞漫惹嘲渾忘秋已到似水歎時拋

寄懷李蘭孫鴻藻表弟時官內閣中書

殊才未遇且從官那可尋常一例看鸞掖趨晨磚度影雞籤聽漏夜方闌想因散秩偷閒易勿忘長安作計難
謂諷風引蓬山知路近霓裳會唱五雲端

春明舊徑記相尋燕喜重門洞宇深家室新成偕淑侶庭幃近侍博歡心江都游跡懷前昔詞館聲華播自今賈至鳳凰池上客陽春和曲叶球琳

憶昔京華倚硯來棉花巷口訪連回君今獻賦馳文譽

我自吟詩乏傑才一別風塵羈馭窟三年旅夢繞燕臺
音書千里勞殷注我歎行車滯未迴

秋士來晤即贈

一別平輿歲屢更魚緘時達檜邊城嵩陽寄興看山色
枳岸行吟聽水聲交到忘形譚易洽友爲難聚感從生
不期荒舍重相晤藉訴離悰倍快情
涇渭能分品不淆孤芳獨賞量深包苔岑宛結三生契
詩酒會聯四海交共守殘棋逢打劫不羈塵網悟浮泡
香山老去襟懷澹肯逐時流漫惹嘲

秋士復贈二律依韻奉答

菊坪詩鈔

卷下

四十三

重把襟懷寫雁箋鹽車坐困詎無緣唵秋蟋蟀知同氣
撼樹虬蟬據一天寄食空彈馮子鈇卜歸虛擲沈郎錢
從今不讀龍門傳貨殖遺編略史遷

縋井升天路那通一般顛倒任西東登高難勒懸崖轡
上瀨同遭逆水風桺葉催吟蘇玉局梅花合夢趙師雄
山翁抱恙歸何去調齋札訊年來斷鯉鴻

夜坐偶成

涼宵露氣散庭陰久坐更闌漏點沈樹影移窗知月上
蟲音繞屋覺秋深夜長屢醒難成夢境困能忘不累心
我似萍蹤飄泊甚挑燈起歎發幽吟

解春農廣文囑題所繪悼亡詩冊

羨君賦擅凌雲手平躡青雲志夙有我才局促轅下駒
陡向風塵嗟遠走梁園何幸又逢君傾談彼此懷離羣
人生聚散如萍梗馬首明朝歧路分展誦君詩難盡讀
娥眉魂斷傷情蹙一曲臨風歎奈何神懷奉倩歌兼哭
海內知交共代憐明珠枉意贈瓊仙勸君莫念相思豆
洛陽已貴抄詩箋

河漲

河漲漸平隄奔流下自西柴門多水漫竹舫近簷低飛
鳥歸林失行人問渡迷不須愁瓠子潮汐報靈雞

菊坪詩鈔

卷下

四十四

過渡

水落平灘淺來尋渡口船溪聲喧石港櫂影破秋烟一
鳥下晴日危橋界曲川幽人前岸任投訪到林泉

秋熱

暑除仍薄熱候已忘秋分長晝少清颼遙空失火雲我
懷捐俗擾何處避塵氛却愛階前竹蕭蕭自不羣

接家書

千里音書到開緘慰遠懷塵囂嗟困累生計失安排
米時艱共霜風歲序挨客邊勞軫念歸轍尙遲偕

菊坪詩鈔續卷

天津 姚學程 景伊

秋仲望海樓葦成同人雅集七律四章韋青吟館

勢成瀛島湧神州
析木環津據上游
碣石濤聲遙撼海
漁陽樹色暮含秋
珠簾畫棟人相憶
沙鳥風帆景並收
勝地增新追盛蹟
翠華昔幸御章留

依然傑構壯雄觀
幾度登臨放眼寬
招集賢豪多雅健
止談風月想高寒
湖山寄傲逢非偶
詩酒論交聚亦難
愧我年來樗散甚
舊游重話惜彫殘

過客憑欄日又曛
漫將往跡證前聞
水摹巴蜀疑三峽

菊坪詩鈔 續卷

月占揚州妙二分
池館高低閱勝境
壺觴錯雜話同羣
宜人風景吟懷助
江上晴霞嶺上雲

酒侶詩朋興不孤
彝盟梅社向烟蕪
重聯活水題襟集
續繪秋林覓句圖
交共忘形真灑落
事惟懷舊半模糊
談禪更聽生公法
野鶴閒雲作伴呼

步至望海寺過香林院觀衛白交會處

循步出城隅
遠過市廛路
迤邐溯河干
寺觀開晴霧
僧寮暫憩息
苦茗啜甘露
縑廬半傾圯
遠矚豁平顧
門前見大河
晝夜洪濤怒
漚然納漫汗
衛白遙交注
畿南三百里
輸灌金湯固
一氣渾相縈
百川歸壑赴
葦葭亂渚

汀林炊紛無數久立復循行暗淡前溪渡

王雪菴來津過訪賦贈誌別

追憶衙齋雅契聯一從判袂每情牽何期舊雨來千里
忽訝停雲隔十年往事重提殊浴寔新詩欣誦倍纏綿
君歸累我懷人想難却離悵遼海邊時官隸陽州

得晤喬仙亦幸遭恍聞鶴唳下清臯識彈篆籀搜巖石
力轉芻糧涉海濤時督海運來津自笑一官羈絡絆放懷千古

破牢騷江山文藻增游覽似較船山興更豪讀君近仿船山游歷

詠諸

題吳藉田先生遺墨手卷應傅巖年翁之囑

菊坪詩鈔

續卷

二

儒林文苑德修充杖履飄然仰企中講席經傳先代業
曾為塾師和交游誼契古人風肇箋分詠心情澹摹楷
臨池腕力雄幾幅琳瑯遺蹟在流徽雅近汝南翁

淵源家學守青箱挂劍高蹤衍澤長祖武前型黃髮重
孫謀繼緒白眉良三鱣化洽傳幽薊五馬風清指楚湘
七葉簪纓應纘美挺階玉樹競流芳

題李靜軒樹安漕尉詩草

策馬歸來細柳營漕儲轉運罷從征滁陽美績留住詠
袁浦循勞播盛聲決險河流嗟手束照江烽火動心驚
據鞍矍鑠情猶昔怕讀司丞老將行

醉翁豐樂記前游草木於今識故侯酒對青山尋采石
詩裁白紵憶江州衣弓囊劍餘豪氣舞扇歌衫感別愁
集
中
治
游
諸
詠一卷風騷閒把誦詞壇樹幟壯方猷

楊青吟館遣懷八首

漫擬苔岑証夙因庭軒寂靜隔罽塵親朋時致壺觴約
童冠偕來絃誦新遠道投詩知誼合扣門問字見情真
忘形海上鷗堪狎且適逍遙物外身
俗情閱盡徹靈犀悟到莊生論物齊舊日葫蘆依本樣
他時桃李望成蹊磨驢懶策循陳步籠鳥新巢似隱棲
却笑平生游覽慣勞勞車馬任東西

菊坪詩鈔

續卷

莫較今非與昨非寄懷聊共硯田依陳蕃下榻情猶昔
劉向傳經願豈違食字蠹魚能解化信天沙鳥本忘機
游蹤難復重相憶故友天涯問訊稀

斗室清幽味古芬聊同運甕習時勤藥苗好蓄三年艾
香篆常熏幾葉芸書籍丹黃消永日世情蒼白歎浮雲
却從安命能知退擾攘雞蟲概不聞

百事輸人莫悔追功名枉自笑褫襟懷中刺滅情無緒
鏡裏霜添鬢有絲筆硯生涯聊復爾關河修阻悵如斯
課餘習聽葩經語絕調風詞季女飢

撚斷吟髭未肯忘醉鄉境可接詩鄉騷詞雅愛歌蘭芷

性好多由近桂薑橘粵彈棋知有託壺公縮地歎無方
駒光虛擲情何極故紙蠅鑽得幾償

金玉遇音憶雅吟白駒空谷久銷沈儘多好夢成虛想
莫爲塵勞困此心鷓蚌支持徒失計觸蠻爭釁枉相侵
靜中默契淵然趣不必思尋海上琴

試開陶徑望三三益友殷勤好訪探支遁園中聞鶴警
處宗窗下晤雞談等吹技短會相逐缺歎情豪已不堪
我借狂歌惟遣悶抽絲縛繭笑春蠶

李靜軒錄寄清淮公署同人爲王文簡公稱祝用

公秋柳原韻舊作擬此附後

菊坪詩鈔

續卷

四

傳將妙句慰詩魂會記紅橋柳下門水上已忘鷗度影
樽前重憶酒留痕玉簫金管招吟地烏帽青衫訪舊村
一代詞宗推大雅風流往復好追論

冶春賦罷閱星霜司李揚州夢草塘千里游情詩紀畫

一時和句錦成箱白蘋寫怨仍懷柳

用公白蘋洲黃葉柳文蠟事

催思又屬王

謂公宗人

哀浦開筵齊祝日辦香如嗣洛

中坊

別裁雲錦勝天衣笠屐圖中擬詎非盛地簪裾前度集
名流觴詠近今稀千秋鼎望鸞應翥一曲琴歌鶴共飛
我未登堂同附隊微吟聊託願無違

新城遺集獨心憐寄我瑤章妙墨烟才並前賢爭卓犖
詩裁異日感纏綿客中聯袂皆塵跡湖上題襟記往年
却憶精華重品續懷人又繫海雲邊

寄李靜軒

在山仍結出山緣懶着臨歧祖逖鞭酒社重尋燕市月
詩篇猶帶潞河煙寄游丹廨情無那話舊紅樓夢渺然
却羨君懷真灑落題吟處處費周旋

送靜軒需次淮上

蕭齊忽訝過高軒落落襟懷意氣存我正趨塵方御李
飄然南去莫攀轅

菊坪詩鈔

續卷

五

淮上青山感舊游輕裝重泛木蘭舟識從太白樓前過
定有凌雲妙句留

不談韜畧不談兵河上糧儲管送迎從此一官爲一集
吟風嘯月倍多情

性與琴書結靜緣豪吟隨手擘雲箋浮家泛宅皆成慣
好放烟波畫裏船

酒醒燈昏夢境移紅樓話舊觸離思君詩唱徧旗亭口
不記楊枝與柳枝

一枝柔艣泊清江舊雨歡聯水調腔若有津沽烟月詠
春風好寄鯉魚雙

題畫蒲桃便面

一串明珠寄阿誰
洛川人去悵何之
畫工亦識投瓊意
繪出當風解珮時

村眺

迤邐郊原踏綠莎
長隄高下接陂陀
人烟白護千家霧
柳色青圍十里河
港滬參差魚網集
帆檣遠近櫂聲多
水村風景江鄉似
秋稻連畦諗歲和

秋蟬

一聲高調識秋先
入耳淒清倍黯然
林際烟沈微雨後
庭除日落晚涼天
孤鳴旅雁情相伴
細語蛩音恨共傳

菊坪詩鈔

續卷

六

我亦對伊愁鬢影
幾番棖觸感風前

女適石室今歲七月初五日忽得疾疾暑症暴亡

詩以哭之

賦性雖非敏慧才
素諳母訓有心裁
半年得聚情何篤

今歲除館伊叔家時常過視一夕云殂絕可哀
笑語猶疑聞閣闥
神形隱已赴泉臺
問余眠食時勞念
彷彿離魂入夢來

無端癘疾勢非常
藥救難施已斷腸
兒歿三旬何繼逝

女六月間喪一子母來一面始尋亡
初三日伊母來氣絕始次中懷

鬱結嗟蘭萎弱質
伶俜悼杏殤楊柳
青邊寒食路紙錢

麥飯感彌長

柳家揚

題畫

山深雲復深境遠心彌遠悠然巖壑情泉響松林晚
與李靜軒話舊

君說江南好江南我昔游青山宜挈酒綠水憶行舟竹
裏彈絲館花間讀畫樓鏡湖懷舊約風景尚勾留

送靜軒南返

一天風雨故人來好酌黃花九日杯我喜逢君君又別
鄉懷客思暗相催

詩篇格調本天成學步邯鄲笑我輕得挽行裝因雨阻
西窗翦燭倍增情

菊坪詩鈔

續卷

偶聚萍蹤豈汎然秋光黯澹正堪憐君話到江南路
觸我情懷四十年

暮春旋旆又深秋詩酒歡場結盛游計日驅車復南返
梅花香裏到蘇州

己未新春赴楊青吟館

搔首頻驚雪髮加此身祇合老烟霞閒攜襪被同流寓
去話桑麻又別家村巷兒童皆識記齋居書帙半欹斜
殷勤整理臯比坐筆硯叢中度歲華

春日遣興

春風陌上氣微和策蹇長堤緩緩過自有行滕藏食便

敢誇詩卷壓裝多人聲雜杳朝趨市馬足奔波夕渡河
楊柳叢邊村舍近慣宜棲隱向烟蘿

聊借陳蕃一榻眠三間屋舍倍蕭然書編披閱情思古
夢境清閒妙悟禪落落生涯同寄食駸駸歲月換流年
閉門頗覺塵囂隔剥啄無聞俗客捐

春林好鳥恰時聽地遠屢衢戶晝扃蝸舍偶棲同遁跡
燕巢暫寄似忘形閒尋詩味燈搖壁笑向花枝月上庭
坐久却憐鐘漏永壺公壺隱不知醒

村望

宛然又是一年春到眼風光簇簇新杏靨含嬌依破屋

菊坪詩鈔

續卷

八

柳條拂暖向平津農田力作催鄉老估舫閒停識遠人
村舍市廛饒盛概由來生聚勝城闌

贈高仰山明經景先

澹然風趣老瞿曇講學何須慕道南鄉墅訓蒙溫舊課
荒村覓友伴清談身因閱世名心退詩寄游仙幻境參
我亦相交忘形跡每從曲巷扣書龕

午睡適孫貽堂過訪未得暢談醒後賦此却寄

我睡君忽來我醒君已去來去本無常浮蹤若失據君
亦豁達人輕慢無由豫養神我自怡疎友實可慮輾轉
不復安此情何以恕緬想古人交無言寡絮絮以神不

以形何容跡象著庭虛雀無喧日冷風若遠籟靜默悄
然鱗潛復翼翥浮雲游太空無端勢忽劇人生晤聚緣
飄泊若相預聊寄短歌吟於人何毀譽

近聞李靜軒復督海運來津未晤寄詩抒懷

官船昨發天津口海運紅旗字如斗伐鼓揚鉦催趨程
言還又復風塵走一年兩度故鄉來卸裝正過重陽後
燦爛黃花傲晚霜家園補酌茱萸酒茂陵秋雨臥相如
攜來游侶賓鴻友君本登高作賦才遇時印佩黃金紐
塞北江南聽所從恨無縮地長房手來往征途閱憫辛
浮雲世態變蒼狗能者多勞昔已然腹笥便便何嗟負

菊坪詩鈔

續卷

九

糧官亦係舊屯官事更左宜兼右有籌餉征糧慕古豪
徵書旁午立晰剖天吳紫鳳鬱奇觀筆札枚乘同不朽
傾心聯詠契淵微蘇老從官繼歐九周道倭遲行不遑
忽憶龐公棲隴畝我亦思君願節勞案頭肯效枯螢守
秋夜不寐

更柝相催點正繁偶因不寐效鳴躡林深窗暗雲陰重
戶掩香沈月色昏夜靜挑燈知近曙秋涼添被覺生溫
簷端蝙蝠聲頻掠側枕閒聽似籟喧

偶興

光陰倏忽又秋初一枕涼生暑氣除舊夢雲山繫別館

故園松菊愛吾廬
門中對酒共沈吟
書裏抄書當讀書
把玩詩篇消歲月
悠悠蹤跡混樵漁

秋日得句

紫燕驚秋似客歸
園林蕭瑟散芳菲
茶香細浣情偏淡
酒意初消味尚微
落葉半階人跡少
斜陽一徑鳥聲稀
殷勤去訪東鄰叟
叟過巷尋來已掩扉

秋郊閒望

才過蘋灘又蓼洲
河干循步任勾留
醉憐楓葉皆頰面
顛笑蘆花盡白頭
飄泊浮蹤迷塞雁
曹騰舊夢醒沙鷗
歸途正是斜陽晚
淡淡寒烟起暮愁

菊坪詩鈔

續卷

村晚

曲曲田畦宛轉長
秋成黍穀快登場
豆棚纏蔓瓜餘碧
菜圃分叢菊靚黃
婦媿攜兒抄舊路
牛歸帶犢趁斜陽
陌頭人影時紛散
隔樹篝車碌碌忙

野景

耳聽塲圃築登登
一望如雲穉穉增
農老罷耕攜餉槎
酒人乘興訪漁罾
遠帆初卸來停舫
小市微昏半上燈
渡口迷茫歸路晚
無邊煙水盪秋澄

書齋置菊數種
惜含苞過小
開放尙遲
詩以催之
菊種新移趁夕涼
含苞未吐葉新張
餐英却憶重陽雨

放豔須逢十月霜老圃秋容矜晚節疎籬佳色殿餘芳
橙黃橘綠多清伴好送書窗淡淡香

今秋無蟹思而有作

不道秋來蟹斲荒雙螯佳饌味休嘗徒勞白酒澆吟舌
枉對黃花佐客觴王吉蟛蜞難入夢郭仙蠓蛄已空腸
令人轉抱監州恨漫憶丁沽漁火涼

咏銅墨盒

一樣文房利用陳良田巧闢却翻新沾濡銅臭原無味
浸漬松滋絕少塵此日無須磚作硯終朝不畏墨磨人
題詩石上原多便青鐵穿餘感有因

菊坪詩鈔

續卷

十一

和沈雲巢先生重游頰宮之作即次原韻

星占含譽慧通神泮水重懷閔古春師識鏡雞同舞影
家風琴鶴守清貧即今建節開藩日猶是吹笙鼓篋人
津逮淵源鄉望重舊時游侶渺前塵
官聲顯著頌如神力拯蒼痍澤沛春旌戟不揚郭令肅
樓臺無起寇公貧雁行競美懷同氣牙繡垂勲啟後人
諷誦吟篇增企慕南豐一辨溯音塵

將之遼陽書懷

少昔務浮名慨想嗟鑄錯垂老思退閒漫然就學博數
年居鄉塾訓讀示領略濩落無遠謀習勤勞著作自顧

頗怡然村居安蕭索忽作遠游人關河復飄泊憶昔遼
海游恣情在林壑昔聆高士言安命勗真著此意終未
忘味思心綽綽即今復相投俗慮久屏卻倉促租駕車
妻孥欣共託試念長途間風雪嚴寒惡行行重切思飄
然如野鶴居官似居鄉好定林泉約

偶感

汴水迴車後鄉居近十年故交多冷落舊感倍思牽景
物追前盛庭廬守一廛凄然老槐樹鬱鬱散蒼烟

別津門

又別津門去長途懶著鞭親朋疎識面庭舍憶安眠薄

菊坪詩鈔

續卷

十二

暮驅車便浮蹤轉轂憐過橋投野店沽酒話燈前
老來甘薄宦千里適他鄉漫涉山川險渾忘道路長妻
孥供使役書籍助行裝久已風塵倦勞勞感鬢霜

過河投宿豐臺

輪蹄雜沓又聲催眯目風沙日影偃行盡長堤方待渡
隔河燈火認豐臺

昌黎道中

終日沈吟似閉關悠悠長路轉安閒車中翹望羣峰雪
知近昌黎郭外山

旅行雜詠

沙路縈紆轉川原古北平吟鞭敲落月策馬度荒城莫
漫嗟游旅無勞感客情長途仍歷碌寒色逼行旌
茅店燈無燄解裝且少休歲時驚晚序道路憶前游襪
被疲相倚羹湯啜不愁雞鳴重振轡風景若勾留
橋曲山根近村彎石跗開塵勞隨境擾奇句破愁來客
路風霜飽寒聲木葉催妻孥荒舍聚笑語共追陪
薄宦嗟行役長亭復短亭關河千里赴風雪幾番經古
戍人烟少荒村樹影零應憐齋舍地羈旅等忘形

苦寒途中作

風摧林木響不絕萬弩聲發亂條折日光冷逼行人稀
菊坪詩鈔續卷十三
馬踏凍泥蹄欲裂盤旋曲路赴嶺巖村舍荒寂境幽潔
暮投野店依山坳羹飯草具情鬱結僂牀行李略安排
掛壁昏燈復明滅老幼擁被方歇眠月落雞鳴又相別
匆匆車箱續殘夢昨朝遇風今遇雪

出關偶作

昨宿臨榆驛今過山海關關門巍峩矗雲表驅車策馬
人往還關外紅牆繚復遠古塞巉巖峨峭彎樹林蒙翳
看不盡望望危堞高莫攀野店荒涼偃石徑征途跋涉
心憂艱寒風凜烈日色冷蒼烟暮隱嶂岫斑斜澗流泉
流不注積冰雜杳形麤頑遙企醫巫閭何在昏濛一氣

混人寰我行古道悠然去徒憶桑者自閑閑靜中復爲
增遐想補看前游未盡山

由大凌河至松山杏山道中作

屢轉羊腸路遵循情莫逞輪蹄逐日忙攬轡發深省垂
堂君子戒陟險志士警樹林穿密邃危巖勞馳騁沿途
曲折盤忽焉開朗鏡迢迢大凌河迅倏忘引領土橋亘
長堤車行力倍猛不見浮波流冰結彌澄靜弗藉舟楫
施心懷罔覺耿日暮又投歇茅屋荒炊影雞鳴復催征
僕夫勞安整盤桓忘昏晦沙坡度碕嶺幾日離關城遠
山識松杏居人自安閒墻陰汲冷井寒檐聚野老負曝
菊坪詩鈔續卷十四

萍梗
宿十三站

雲氣薄無際原隰勢廻矯宛轉過山坡遙峰凌荒表暝
靄鬱沈重嶮崿爭相皎村落數里間牛羊羣散擾天寒
風色嚴旅店行人少遠渚輿梁成往來歷昏曉十三站
驛前車馬殊未了古戍荒烟暮寒壘遺蹤小我行未休
息投林同去鳥平漫見高峰裂眦入空杳透遲轉山隈
路曲環林杪進村覺寬紆居人闐闐繞田農資耰鋤市
賈矜驥裏富厚儼成區豐足從茲肇覓宿且安樓岑寂

托悠藐聊述塞上行心情倍悄悄

潘寓遣懷

風景重尋向市衢寒天時值雪花鋪行裝昨次離津國
旅食今番托盛都往日壯游憐故跡殘年投止惜長途
衡茅客舍猶堪憶我亦荆高舊酒徒

客路馳驅思不禁記從邊塞聽笳音觀濤已陟滄溟岸
訪古曾探碣石岑逐逐塵勞縈旅夢淒淒風物續寒吟
寓居蕭索逢飄雪且自圍爐坐擁衾

韭菜園客舍題壁

昔年三度歇征裝此日經行歲暮將千里關河逾錦嶺
菊坪詩鈔續卷
一天風雪抵遼陽薊門迴憶烽烟靖邊塞重過草木荒
雁影鷗蹤飄泊甚蘧廬偃息待徜徉

抵遼陽

萍蹤偶托向遼陽門過勾驪路徑長旅店暫投容小歇
衡齋待掃擬高翔人思昔聚嗟塵夢境爲重游感客鄉
滿目蕭條增舊慨巖關猶是古邊牆

署中閒詠

偃仰蓬廬心自寬風塵莫漫笑儒官棲身宛近菩提樹
况味初嘗苜蓿盤游跡似同蝸角隱客懷猶聽雁聲殘
鄭虔清節難追望聊適行藏守所安

寂靜齋居戶掩荆我來棲止倍心清茅龍補屋綢繆計
林鳥安巢繾綣情古樹槎杈森隔院寒山冷峭逗荒城
竹爐茶竈閒排定好過殘冬待歲更

學宮戟門左右長白松森列成行蒼翠鬱盛望之
蔚然秀色巨觀也

神宮莊嚴明福備靈澤鍾蘊誕嘉植挺然奇秀長白松
對峙成列環佳地戟門巍煥肅觀瞻道脉淵源溯洙泗
高低依次循班闕盤結礪礪勢茂遂疊疊龍鱗聳傑姿
蒼蒼虬幹標瑰異撐霄作勢散濃青巾地垂陰堆淨翠
雨灑高柯任鶴栖月明細籟飄鸞吹久歷風霜磨鍊多
菊坪詩鈔

續卷

十六

更經歲月靈竒萃超然不受大夫封望之儼存貞幹誼
芹池芳潤共爭妍槐市葱蘢同樹幟幢蓋毳毳雕甍遮
羽旄簇簇朱櫺闕多士趨謁禮虔恭吹笙鼓篋協珮璫
撫松漫適閒居情量松難暢嬉游致對此宛然起敬誠
左右環立如隨侍惟願相修堅節心後彫莫淪歲寒志

閒遣

何曾冠蓋耀當途冷落閒曹每向隅莫笑登場同傀儡
自嗟依樣畫葫蘆調餐婦子親司爨趨市僮丁去覓沽
午睡晝長聞剝啄門前問字有生徒

寄意

管牀邴帳訪遼東杖履優游企仰中淡泊生涯甘屈蠖
精通藝事陋雕蟲能敦實誼方真品肯效時流易古風
閒秩思量惟自遣漢廷休羨辟揚雄

雜詠

覽勝興懷歲月過海邦雄鎮鬱嵒峩山頭久表將軍墓
渡口爭傳太子河化鶴仙蹤留古柱勾驪荒蹟剩層坡
城樓落日鴉啼散征戍空憐壯士戈

贈傅味琴學博桐

得識春風座上顏皖南碩彥重仙班豪情老帶莊襟外
雅興嵇琴阮嘯間不願游蹤羈宦海每留詩句鎮名山

菊坪詩鈔

續卷

十七

漢京著作梁園札傳世鴻文未易攀

聽鼓官衙冷日顏幼安坐榻想清班聖狂品概浮沉裏
騷雅吟情揚挖間邊地鶯花歌出塞客窗風雨話游山
連雲峪口驂應駐投轄陳遵正待攀

壬戌春仲省次晤華梅莊

司訓開原

何幸天涯遇故人客懷棖觸倦風塵回思少日同游地
轉眼流光四十年

追悼王雪蒼大令

英多磊落憶神姿往日盤桓每紀詩轉念知交今不見
令威化鶴又何時

客寓抒懷

遼陽株守歷年餘，藉便資游策。笨車老去精神矍，矍矍壯時生計本迂疏。蠅頭末利何須逐，雞肋微甘漫自咀。白塔寺前行得得，望中山色認巫閭。

蕭條旅館傍城渠，終日閒闕慨索居。熱境不趨嗤倒屣，冷官寂守任懸車。客厨饌味嗟無肉，隣寺經聲聽有魚。木魚聲聊借甕頭春，破睡夜窗燈畔好攤書。

華梅莊見贈用步原韻以伸懷思

薄游遼塞任情顛，良友重逢倍靦然。客舍解裝憐此日，學堂倚硯憶當年。廣文鄭老分前席，司業蘇公擁舊壇。

菊坪詩鈔

續卷

十八

冷署荒山聊寄跡，管牀却結再來緣。

春明蕭寺訪過會，判袂旋驚歲月增。名士聲華歸簡淡，

才人遭際少騫騰。我懷諸父嗟游宦，謂明山叔故於承德君念賢

昆悵失朋回首師。門深感慨遺編遍，追溯證元燈。

答霍朗珊見贈用梅莊原韻 海城司訓

承訪襄平喜若顛，省垣重晤倍歡然。膠庠雅重賢司訓，

河朔曾稱俠少年。軍佐天雄憑一劍，經譚海域剩殘羶。

達人仕隱何須問，薄宦窮游搃夙緣。

都門赴試結隣曾，未接清談愧每增。遼海同官情若近，房山尋隱念偏騰。關河馬首嗟離別，風雨雞鳴悵友朋。

此後追維勞計及難忘客話共挑燈

梅莊招飲得句

佳晨便酌聽相招老友談心破寂寥
慨絕風塵遲會面
丁沽回憶夢迢迢

襄平書院視試作

會逢鼓篋並吹笙濟濟登堂聚眾英
簡冊業修秦博士
淵源津逮魯諸生
欲期秋鶚凌雲舉且聽春蠶食葉聲
愧我量才輸玉尺公門桃李望裁成

謂張並生州尊

書院感懷

講堂晝靜寂無聲循步前楹復後楹
松菊就荒憐徑冷

菊坪詩鈔

續卷

十九

芝蘭相近覺心清青山宛踐當年約
白社重尋此日盟
太息黃墟難忍過聽來隣笛最悽情

書院即景

襄平文館喜流連偶聚壺觴話昔年
深檻茶烟新霽後
小窗燈火薄寒天
風塵寄跡情偏適雲樹懷人感易牽
欣遇鷗波亭畔客苔岑氣誼共相聯

州署虛鏡堂夜宿偶成

偶然襟被共相招虛鏡堂中夜寂寥
銜鼓點催官舍晚
梵鐘聲遞寺樓遙
孤燈伴影依書案一榻閒眠向客寮
小住勾留須幾日却安寢處慰寒宵

張芷生州尊試畢來訪承示擬作越日趨晤復示
首取試文各極工妙不負所知詩以賀之

琴堂校士賦長楊沈瀼相融意頗償鑠院羣欽蘇玉局
騎牆誰誚賀知章披來珊瑚網真竒異淘盡金沙費較量
爲道新栽好桃李成陰多幸近甘棠

頃荷鳴騶下訪來瑤章欣誦我心推彩毫細潤舒華藻
花樣新翻妙錦裁造鳳非因矜獨步登龍還望出高才
端知經濟由論語草偃風行德化培

送崔子玉孝廉樹寶還昌黎

征塵僕僕雪風天策馬臨歧倍惘然行旅共來遼左遠

菊坪詩鈔

續卷

二十

鄉居同近海東邊豪情欲擲班超筆壯志思投祖逖鞭
木葉山頭逢雁侶殷勤好盼吉音傳

兩年蹤跡每盤桓此日歸心欲阻難自有名山藏盛業
久思大海挽狂瀾知君意氣凌千仞笑我迂疎守一官
車笠他時重邂逅高懷定不薄儒酸

和杜蘭溪森來詩二律用原韻

佳篇惠我勝瓊瑤文采霞城建赤標友誼相投知契合
風裁特峻想神超升沈有定心俱淡得失無關念早消
差羨門庭清靜福年豐同聽太平韶
鏗鏘聲似戛琨瑤如此才堪奪錦標獨愛高懷殊落落

應知元著更超超，得閑過訪思雲聚。
偶坐清談趁雪消，我本忘形君略跡。
雅音欣奏九天韶。

梅花

暗香疎影認橫斜，却是東風得意花。
冰際丰姿宜照月，山中骨格想餐霞。
蘭馨合近幽人室，菊傲同依處士家。
未必和羹無本願，自甘淡泊伴蓬麻。

水仙

玉盞金鈴結蕊圓，芳名不愧水中仙。
影宜對鏡思吟月，步想凌波欲化烟。
妙跡雙鉤傳畫稿，清徽一曲寫琴絃。
風流品格堪欣羨，磐弟梅兄共婉妍。

菊坪詩鈔

續編

二十一

迎春

綵旗仙仗夔旃，擅鼓吹聲喧夾道。
觀司令調陽，昭木德迎神。
沿俗擁春官，農人鋤耒祈年福。
村女青紅逐隊歡，堂吏高呼歌吉語。
柳條鞭向土牛攢。

雞聲

臚膊連聲起，頻聞野屋雞。
號寒風色緊，報曉月光迷。
隱約寒鴉噪，淒涼去馬嘶。
長征人已遠，觸感在幽栖。

柝聲

聽到寒音徹，重門擊柝聲。
點傳隨夜漏，響送到殘更。
深巷風威緊，空階月照明。
嚴關防暴客，幾度又雞鳴。

衙齋得句

寂寂講堂閒煩囂一劍刪祇因塵境遠絕少俗情攀當
戶樹遮路圍城雪滿山衙齋殊自適杯酒藉開顏

靜中

靜中潛息慮心地覺光明絕不浮塵擾端因自顧清無
方知物變觀我悟人情默証蒙莊理何須較絀羸
友人送梅花附詩二絕依韻酬答

我因擇友識君才過訪恣談笑口開陡遇寒梅舒冷豔
南枝小影暫分來

齋居雅潔少織塵紙帳梅花夢裏人詩與寒香勞僕送

菊坪詩鈔

續編

二十二

清吟字字倍精神

封篆後拈句

冷銅黃裏又紅封冬盡春回淑氣衝學舍清閒書吏散
宮牆徙步好支筇

除夕前一日作

沈沈靜室寂無譁塵掩粧臺鏡影斜架上書編閒檢點
心經惟誦妙蓮華

玉孺人輓詞四章

孺人卒於同治元年六月廿九日卯刻

鴻案相莊感牛衣啜泣悲艱勤籌日計勸勉想風規欣
重閨中友無慙女輩師傳家逾姆訓儉靜勵操持

女誠常殷誦餘閱習內編蓋監兼瑣屑刀尺更纏綿藥
譜時觀覽棋枰久棄捐憐兒更憐女孫幼愈情牽
我久諸生困相依廿六秋一朝驚撒手百事愴回頭諄
語今皆驗謀身計罔愁黃泉幽渺路何處問情由
已是塵緣斷飄然去不停返魂香莫乞拯疾藥無靈鏡
照茅廬白燈搖總帳青頻呼知不應倩影憶冥冥

癸亥新春偶賦

閒向蓬廬自嘯歌消寒圖盡覺春多年光遞轉詩情健
宦味非濃酒氣和松翠隔牆張幕懸梅香近座更婆娑
門前滑澆融冰雪未便村畦曳杖過

菊坪詩鈔

續編

二十三

春初

春初庭院展新晴物候暄妍暖氣盈屋瓦暗消寒雪影
簷簷不斷瀑流聲遲遲日永香偏裊淡淡風和夢頗清
靜坐書齋無箇事時聞林鳥亦怡情

春日閒居

幽栖寂寂守蝸廬春過新正半月餘貌態矜矜儕野鶴
饜肴鮮美嗜乾魚青瑣故業仍相守白醕豪情久斷除
終日閒居惟自遣晴窗小几課孫書

隔壁松聲怒作濤寒飈吹戶響音高冷官無勢人多慢
客舍常關僕不勞騎馬彎弓思矍鑠雕蟲奏技破牢騷

閑居終日聊排悶循誦詩篇白與陶

偶詠

狂吟難與古人齊別派分門每導稽想到名山思約伴
拈來佳句寫無題詩禪酒俠從心好塵網情魔漫自迷
睡起街前閒眺望笨車時見困塗泥

傅味琴約同霍朗珊華梅莊市樓小飲即席賦贈
兼以誌別

萍蹤偶聚情欣洽覓飲不厭市樓狹知交落落相與招
長虹吐氣傾三峽先生志意凌青雲建安七子雄曹鄴
大白淋漓妙不辭金波滿盞口一呷飲興清豪拇戰開

菊坪詩鈔

續編

二十四

笑我瞠焉走曳甲座客傾壺更遠超沈酣善鬥勢迫憎
鄰近幾困吏部甕醉餘欲荷劉伶鍤人生結契本天真
酒社詩場逝水恰轉瞬追維堪復思惱鄰不計鶩與鴨
先生指日復南遊馬足船唇小承乏任城寄寓且盤桓
太白樓頭塵脚插有時迴憶海東頭邴管清風可傲狎

省次晤郝蘭舫佩芬明府話舊時擢海城令

筆久班超擲冠曾貢禹彈勤勞宣吏術祿養博親歡大
邑臨煩劇長才策治安海邦羣企望甘澤被應寬
遼署同游地相將近卅年焚香思讀畫揮翰想飛仙聚
散憐如昨升沈各有天違官與薄宦重晤倍忻然

同是因公至 陪都跡又留
光陰逢髮尾 身世話重頭

莫訪郎官渚 難尋王子樓
風塵增別感 搔首望神州

昨承方果齋明府枉浼何宜之
繪扇布置高妙景

物暄妍風塵中得此一幅佳境
不啻置身畫圖

也因賦長句藉酬盛貺兼致宜之

傳翁酬唱傳語工清風一握開塵
朦何君藻繪尤妙絕

恍然置我畫圖中介紹多藉方山
子丹青枉乞勞奚僮

周昉妙景善摹仿園林花事春光
融唐巾晉服風雅士

欄邊偶坐清且雄小僮兩兩待指
使書畫在抱意態冲

桃紅柳綠鬪春色溪光檻影痕交
通不必豪情托杯尊

菊坪詩鈔

續編

三十五

不必幽興發絲桐飄然蕭散竹林
致玉津金谷非深衷

繡屏處處描白傅團扇家家畫放
翁用成身外身成幻

中幻今吾故吾將毋同人生塵夢
皆泡影浮蹤一若亡

是公三李白百東坡何妨作達屬
藐躬昔日少年今白

髮男兒羞作可憐蟲頰上添毫神
栩栩前身明月境空

濛歸家持與兒孫看鬚眉活現笑
臨風

道旁歎

折腰豈爲米五斗風塵僕僕勞奔
走眼望行輿得得來

躬迎道左嗟維後倒持手版苦遠
循鴨鴨呼名難箝口

使君謙抑禮容施僚屬欣承顏旨
厚殷勤却費周旋

一例鱗排魚貫柳疾趨喘息少休停迷漫塵土風前受
不同竹馬并州迎又非叱馭王尊偶讀書從不解媚人
到此瞠焉呼負負凌雲意氣久消磨何望元九與歐九
隨時循分効馳驅貪嚼盤蔬嗜杯酒湛然心地覺光明
葆我天真自無垢吁嗟乎人生多爲浮榮誤得失何須
滄素守陸賈千金止飽兒蘇秦六印惟嬌婦清夜捫心
滋愧多豈待眼前時露醜我亦翻然別有思煩氛一藉
掃愁帚

春暮游瀋城西郊保靈禪院

和風散暖日卓午滿院花香蜂如雨松陰閒踏趁清涼

菊坪詩鈔

續編

三十六

不聽經聲喧梵宇同人三五藉流連茗甌頻酌滌肺腑
禪堂幽靜少塵氣園中方丈闢花圃藤蔓敷華擷紫叢
榴葩舒豔翻紅組籠鳥閒關韻更清盆魚逐隊形堪覩
齋罷僧雛各散閑雲房鐘歇琴不鼓壺天闐寂白晝長
科頭抱膝無拘苦吟嘯移情擴雅懷瑯嬛宛遇圖書府
我輩原求在達觀胸中逸氣凌空吐小坐忽催聯軫回
遨游又想餘勇賈

禱雨歌

三百童男齊禱雨蓂蓂擊碎迎神鼓綵旗蕩漾繡幡懸
鏡吹喧呶羣拜舞官序同僚致誠虔拈香焚疏叩殿廡

天心仁愛在斯民，覆幬實爲民之主。偏災偶歉，屢時憂造物，施予能救補。下民何敢貪天功，仰盼澍潤甘霖普。祈神貺兮祝神庥，其雨其雨，蘇民苦白。日匿西陰，雲沈珠瀑。濺兮龍涎吐，吁嗟乎！三百童男齊禱雨，蓂蓂擊碎迎神鼓。

恩春煦齡司倉用予舊作韻贈以二律實承雅愛

爰步韻奉和

菽居幽靜遠街衢，庭戶落花疊疊鋪。四壁畫圖開妙境，一林風月勝仙都。萍游飄泊同塵海，匏繫浮沈寄宦途。夙慕烟霞在邛壑，千山擬去訪緇徒。

菊坪詩鈔

續卷

二十七

殷然道故致班荆，野鶴風標品最清。跡泯町畦覘至性，言由肺腑見真情。詞源直欲傾三峽，筆陣應教下十城。暑夏頻尋遲晤面，倏驚霜葉又秋更。

九日訪杜蘭溪遇馬西岡東城同登高

黃落又深秋，西風滿目稠。同爲重九會，小聚二三儔。知己無多感，行蹤漫自留。城頭望遼水，暮景羨沙鷗。杯酒不能酌，黃花解笑人。閒情消冷節，游興倦風塵。時事難追憶，吟懷得遂真。故鄉留覽處，高閣記嶙峋。客思渾無賴，秋聲不可聞。萍蓬原偶合，離索悵同羣。性各耽巖石，情因契水雲。莫須絕此日，爲憶杜司勳。

即景一首

菊叢綴豔趁霜稠風景淒清迥不猶詩興醉餘吟倍暢
雁聲秋老聽偏幽欹牆紅葉低含態瞰戶青峰遠露頭
記得年時逢九日情懷蕉萃罷登樓

十月初七日因公赴藩垣客寓房舍已滿適華梅
莊早到邀與同住雪窗挑燈夜談蒙賜佳什爰
和韻奉答亦屬言不盡意耳

各守青氈慰客寮壯懷落拓缶空敲衝雲健鶴難爭路
叫雪寒鴉祇戀巢宦味咀餘資寄詠窮邊游盡感知交
老來生計嗟同薄迴憶鄉園肯漫拋

菊坪詩鈔

續卷

二十八

梅莊近又移裝余寓小住二日把晤傾談靡間晨
夕爰拈句奉教

一室盤桓少送迎廣文風味老諸生情憐蛇虺行常伴
巢共鷓鴣夢各清旅壁題詩嗟蹇遇寒窗聽雪到深更
挑燈話舊增惆悵忘却趨公在會城

州署直宿偶成

悄然夜坐近深更擁被閒眠夢不成燈影射窗涼有跡
雪花散砌靜無聲堂虛已入空明境心定惟餘澹泊情
偶觸吟懷聊自適忽聞牆外又雞鳴

寄津門石秀巖元俊詩四章札附

秀巖仁弟足下出關人遠訪鶴柱於遼城吟館
境移憶燕巢於沽水睽離數載舊夢猶依相隔
一方秋心時眷冷署空山閒守廣文之席淀雲
津樹時縈旅客之情溯蒹葭而寄慨徒望伊人
思蘭茝以述歡有懷我友鄉園念繫知松菊之
猶存別壑思維想池塘之入夢晴雪今番斜陽
前度僕也未効鳧趨自容鷺傲滋味存乎羹粥
耽懷藉乎吟哦問字之車時至束脩之羊偶來
每難忘夫昔月終有戀於停雲青瑣坐老殊自
歎乎衰翁黃絹抽思敢騁辭於幼婦 足下才

菊坪詩鈔

續卷

二十九

儲邊笥學勵董帷駿譽馳於鸞沼鴻名登乎龍
門卜前程之遠到定奮志之高騫此日魚函遙
達如傳畫角之音他時雁信飛來好聽霓裳之
詠菊坪拜手

重憶書堂倍繫思漫論蔣徑與仇池茶香簾影詩情淡
秋月春花夢境移印雪爪痕鴻有跡栖巢絮語燕相知
數年雅意徐孺榻軫念衷懷記往時

避氛連次迫相投館廨盤桓氣意周假我琴樽供坐嘯
一時童冠喜偕游寒宵燈火情相共遠道烽烟望並愁
楊柳青邊勞寄念書聲還似舊時不

我又遼陽守一瓊忽驚歲月去漫漫書來千里開緘快
人憶前游欲聚難鏡卜芙蓉君兆定盤餐苜蓿鄙懷寬
鵬程策勵知非遠好聽聲華慶拜官

新詩寫就寄纏綿雨地懷思暗裏牽薄宦窮游邊塞遠
陶情適性水雲邊親朋隔面時通夢師弟關心本夙緣
若遇龍眠老居士道余注念每拳拳輜犛

暮歲送友

攤卷圍爐歲暮時寒窗風冷日光移懷人有夢添離思
藉酒聯交緩別期旅况似同梅影瘦吟情惟許蠟花知
連雲峪外看君去殘雪迷漫路又歧

菊坪詩鈔

續卷

三十

題劉仙樵文麟進士詩鈔

宦海迴舟入隱淪幾編詩卷闢清新翩翩濁世佳公子
落落風塵舊酒人不炫才華標性始力持交道見情真
名場利藪無依戀博得逍遙自在身

署興京別駕劉伯黼司馬殉難輓歌

名景泗江蘇人舉人揀發

蚩尤旗閃起機槍太白流燄指東方庫門外嘯聚眾
蠢寇猖獗肆悍強始則三五或什百繼乃勢積銳莫當
劫擄淫掠凶更逞官軍轉受鋒鏑傷日復一日禍愈酷
時平已久兵不揚興京一城值其險險而弗固疇能防
嗟哉劉侯蒞茲邑下車三月治具張垣墉頽傾力捍衛

募勇定策飭戎行仗此一身任禦侮何懼熊羆虎豹兼
豺狼不意滿山滿谷突紛竄侵城焚廨疑鬼俛隻手難
將兇類縛頃刻變亂叢蕭牆援救不來勢危急止拚一
死肯逃亡從人散潰城立破刀矛霜厲吞鋒鋌一腔熱
血向賊歎英靈颯颯赴天閭大憲申文表壯烈 朝廷
贈卹典昭彰 陪都遠邇齊傷悼襄平士庶感慨長舊
時宰治惠澤遠道旁零涕真淋浪

古劍限冬韻

料想荒巖久閱蹤何今拂拭破苔封七星隱斂芙蓉鏗
三尺俄驚霹靂鋒猛士憑陵情獨壯故交投贈義相從

菊坪詩鈔

續卷

三十一

倘非望氣知竒物未可風塵意外逢

古鏡限蕭韻

幾經閱歷伴粧寮寶鏡初開璧彩搖此日形神難自掩
舊時粉黛倩誰描蜀山仁壽靈徵現水殿虹霓幻影遙
懸向虛堂瞻望久湛然冰鑑澈瓊霄

荷錢

疊疊青錢萬個圓銀塘澄碧細荷鮮圓規宛合金生水
鑄式誠宜府號泉痕漾魚鱗浮幾片形疑鵝眼望同穿
菱絲荇帶紛圍處正值時逢早夏天

荷珠

何來百琲夜光輸一片迷離影若無
歷落忽飄千點雨
圓融訝走滿盤珠
竹邊淚漬湘君佩
水上環搖洛女褕
寶色休教魚目混
趁涼收取盛冰壺

荷衣

五銖衣展九仙居
髣髴荷叢却遇諸
曳彩偏當霞濺候
卸粧恰值雨來初
浣紗濯錦工何巧
水佩風裳態自舒
最是採蓮人盪漿
幾回香袖鬪芙蓉

荷蓋

火繖高張夏景長
荷莖如蓋繞迴塘
潤分仙掌承朝露
涼作秋聲戰夕陽
戲渚最宜藏翡翠
眠陰恰好護鴛鴦

菊坪詩鈔

續卷

三十二

碧筒小酌添幽興
巧製新成佐酒觴

七夕

雙星此日渡銀河
爛爛天風淡淡波
駕鵲橋邊靈語渺
牽牛花上雨聲多
誰家乞巧陳瓜果
席若箇題詩寄錦梭
底是神仙情眷久
一年一度總相過

和韻一首答梅莊

泥潦奔波何太侵
因循到舍雨連陰
悶來思玩當窗月
嬾去偏驚隔巷砧
舊友追維常入夢
好花坐對不成吟

曉

醉

一

室

知

君

脫

俗

耽

詩

送文子星司馬景交卸回省

灑落襟期邁等儕襄平判袂賞心諧幾番聚悟承君顧
十載相知觸我懷治體嚴明歸渾厚行裝簡當好安排
口碑道路傳來久想見琴揮到處佳

瓜期恰好及春時風正輕和日正遲梅友寄音勞問訊
蘭兄同譜舊追隨橋亭杏蕊紅舒豔驛路楊枝綠綻姿
迴憶巫閭三百里使君愷澤滙於斯

謝銳芷堂莊守尉送墨竹畫扇

榴花蒲葉慶天中雅扇承貽藻翰工拂拭有時依美蔭
奉揚隨處被清風挽間鈎撇靈機運紙上烟雲妙境通
久識門前多望乞芸窗磨墨累奚僮

菊坪詩鈔

續卷

三十三

似覺新涼扇上吹淋漓墨瀋正紛披勞君鐵畫銀鈎筆
寫出合烟浥露姿萬個篔簹蘇老徑十分瀟灑習家池
洛陽紙貴遼陽比三妙兼精倍感思

九旗同遼約赴龍神祠東舍雅集奉酬二律

端陽纔過約遨頭水畔禪扉策馬投一雨及時歡眾望
千山送爽豁吟眸壺觴雅集成嘉會簪紱聯情快勝游
回首勾麗城外路鴉棲樹杪月橫鈎

選勝東楹近水頭匝杯交錯快情投諸公衮衮皆豪侶
笑我悠悠放醉眸烟雨溪山窗外攬寒垣城郭畫中游
流連風景尋何伴渡口歸漁捲鈎鈎



